

KULYA CHAKU

SHIPILITU CHA MUNGONDE



Fwelela kaha, fwelela kaha,
Vyuma vyose vinashiwa, kaha . . .

Omwo, jino eyi jila:

Jino Ngwafwelela, jino Ngwafwelela,
Vyuma vyose vinashiwa, jino Ngwafwelela;
Jino Ngwafwelela, jino Ngwafwelela,
Vyose vinashiwa, jino Ngwafwelela.

Echenu twimane lika jino, na mitwe yetu yakunongama.

Mwata, kanda wecha ou upwenga mwaso kahako, oloze upwenga chakufuma mukachi kamichima yetu kwimba echi, “Jino Ngwafwelela!” Vaze tumbaji vahanjikile lwola lumwe, hanyima kukulinga Yesu hanalingi milimo yayainene, vakiko ngwavo, “Mwata, jino etu twafwelela.”

Yesu ngwenyi, “Enu mwafwelela?”

² Vakiko ngwavo, “Etu twafwelela chize Ove watachikiza vyuma vyosena kaha kawatondewa muthu kukunangula Ove.” Shikaho, Tata, ufuku uno etu tunatachikiza ngana Ove kawatonda kunangula chetu, oloze etu twatondo Chove. Shikaho etu twalombo ngachize Ove utunangule omwo mwakulombela, omwo mwakuyoyela, na omwo mwakufwelela. Tuhanecho echi, Mwata, kuhita mukutanga chaufuku uno. Kachi twahono chuma chimwe, tuhanecho etu, Mwata. Etu twachilombo echi mu Lijina Iya Yesu. Amena.

³ Ngunatachikiza enu vavavulu munemana cheka ufuku uno. Kaha, kuweluka, ngwalihumangananga na lizavu vahanjikanga ngwavo vahonanga kwingila, kaha vakiko vali nakwivwilila kivi saji javo jamuji minyau. Kaha jino etu natweseka kuzanguwisa ngeomu natuhashila ufukuuno, ha Sondo naufuku, etu natulihana kukulombelela vaveji, kupwa na mukana nge omu tuli naumwe hano. Oloze etu tulinakunjika chino kutanga ufuku uno kulombelela vaveji.

⁴ Kaha Ngwatondo kutungiwa jino mu . . .evi Vihande vya Kujila vya Kalunga, mu Lufwelelo, luze Lufwelelo lwa ola. Luze Lufwelelo! Echi chili nakuya nakumbata lufwelelo lwalunene kuhambakana mukala chisemunwino, mwomwo echi chatela kupwa lufwelelo lwakuhukula, kutwala helu. Kaha shikaho twakutonda enu kufwelela ufuku uno mu vyosena vize enu mwamono, kwivwa, lize Lizu lize mwevwile va nangwile, vize—vize vinjikizo na vikomwesa vize enu kumona kuzachisa.

Etu twatondo enu kuvineha hamwe vyosena na michima yenu, kaha shinganyekenu echi, nge chize chinapu Kalunga mokomoko chiku.

⁵ Nge Elisha wa kumwaka, ngwenyi, “Kachi Kalunga nge Kalunga, kahajino muzachilenu Ikiye.” Kaha kachi Yesu ikiye wahakachi wa vyuma vyosena vyavaka Kulishitu, kahajino Ngwashinganyeka etu twatela kwecha vyuma vyosena na kukakachila kuli Ikiye. Anukenu, Ikiye Hakachi, Ikiye Tanganyika wa Khuto, Ikiye Makumishilo, Ikiye wa Kwilila. Kaha kachi Ikiye ali Tanganyika wa Khuto. . . Kuli kaha chuma chimwe chinahase kwinyika kuli uze Tanganyika wa khuto, chize chikiko chakukwinyikila chize uli nakwenda nacho. Kaha chize Chakukwinyikila chize nguli nakweseka kutambuka nacho chili Lizu, kaha lize Lizu lwola lwosena lyeji kwinyikanga Ikiye.

⁶ Kaha etu tuli nakwivwa nge etu tuli na kuya nakuhita mulwola lwalunene luyando na vyeseko, kuhilasana cha lwola na luyando mukachi kamafuchi, na vyuma vyakala muyachi navikasoloka, kaha lwola lumwe Ngweji kupwanga wakujikila nge. . . Kwosena Ngulinakutala, echi chili nge. . . mu mbopolo ili nakulovoka mu kuzungalwiji. Kaha Nguli vananguhane kupwa wakutala uze Wato. Kaha natuya nakulinga ngachilihi? Tala nakwiza umwe nachifwiko chitoma, chachinene kuheta ku handulendi kuhambakana mbopolo yami. Oloze etu nayitumbuka, osena. “Etu tunahambakana vakakuhasa kuhichila muli Ikiye.” Uze Kapitau, Mwangana wa Kapitau, ikiye wakukwata kusongo ya luze lungoji lwa mbopolo, Ikiye mwakoka lwose. Etu natutumbuka osena.

⁷ Jino, ufuku uno, shikaho etu natuzangwisa na kumyecha enu washi. . . Etu twasakwilila kwendesha chenu chichi suku, na vyangocho, kaha nawa munahase kwendesha, na kulilambula chenu munalingi. Kaha, talenu, chize chikiko chinakungulingisa Yami kwimana na kungulingisa kuhanjika na kungulingisa yami kulinga mwosena na kumikafwa enu. Oloze nge Nguli hano Ngweji kwesekanga kushindakana muvyuma vyosena muze Ngunahashila kulinga, kuhana kukafwa hali luze lwola tuli nalwo hano. Kahajino enu namumbata. . . Kachi nawa namuhana vathu chikuma ha lwola kaveshi kuhasa kuchanuka echi. Enu—mwatela kumbata chuma chimwe nakuchikwachilila mwakwoloka kuli muthu nomu navachimona chize. Kaha jino omwo vakiko navachimbata nakuchikolesa mumichima yavo, kahajino vakiko nava. . . kahajino vanangulenu chuma chikwavo. Shina muthambo na muthambo nge omu tuli nakuya.

⁸ Jino, enu na mulomba nakupwa vakuhamuka vambwende, kaha nakufwelela ufuku uno ha kukuka. Kangwa shinganyeka nge kuliko chihula chimwe muvishinganyeka vyenu halwola tuli nakuyoyela. Kangwa fwelela nge kulichihula muvi shinganyeka vyenu nge Kalunga ali mukachi kavathu Jenyi mokomoko chiku.

Ngwafwelela enu vosena mwafwelela chize. Kaha Ngwa... Kakweshi kukakasana muvishinganyeka vyami hali echi. Kaha Ngwa—Ngwa—Ngwatachikiza watu jami, masepa jami, masepa ja Kulishitu, vana va—va Kulishitu, vafwelela chize.

⁹ Kaha changuhana yami kuwahilila kuheta naha seteko yakumona na kutachikiza nge muli na Mujimbu kufuma kuli Kalunga, kaha hinamuuhana kuli vathu kaha kumona vathu kwitavila Chize. Kahajino enu hinamutala kunyima nakwamba, “Twakusakwilila Ove, Tata.” Mamalelo, ocho kuwahilila kana hakumona vana valinachakulya Mbolo vanavatumina vakiko! Enu namuchijiva nge chize chapwile chimweni myaka yakunyima, hano vene hali eyi mbalaka? Chize chakwoloka, “Ize Mbolo ya Kuyoya.” Ndumbu wa lunga Neville, unanuka echi, chinahase. Lwola lwalunene!

¹⁰ Jino echenu twalumune, kachi enu mwakutonda kuvangiza kutanga mokomoko sonekeni hamwe, jinonyi... Kangwa fwelela echi nge nachipwa chakutela kupwa nakutanga chakuzeneka kutanga Lizu lya Kalunga nakuhanjikaho vimwe, kachi nachipwa kutanga cha kuka mokomoko kala muyachi. Etu tuvosena tvevwishisa. Kakweshi ngeji hakachi ketu, Ngwashinganyeka. Oloze etu vosena tvevwishisa kuka chuma chika. Kacheshi nge cha muthukala kukulingilacho ove; echi chili Kalunga akulingilile cho ove. Ulwilo uli mujila yoyimwe. Chuma chimwe, kaha, kulingisa vathu kufwelela uze Muchano. Kaha Kalunga anangwile chize mu Lizu Lyenyi kaha jino kwinjikiza echi kuli vakiko vaze navachifwelela Echi, mwomwo ikiye ngwenyi, “Vyuma vyosena vinashiwa kuli vaze nava fwelela.”

¹¹ Enu ngwenu, “Kakweshi chuma chachikalulu kuli Kalunga.” Enu mwafwelela chize? Kakweshi chuma chachikalulu na enuko, chipwetuthu. “Mwomwo vyosena vinashiwa kuli vaze,” (Kalunga apwa Muthuumwe) “kuli vaze vana fwelela.” Talenu? Shikaho kakweshi chuma chachikalulu nayenu ko, mwomwo enu, kachi enu namufwelela kaha.

¹² Jino mu va Myangana va Kulivanga, kapetulu 17, Ngwakutonda kutanga jivesi ja kulivanga ja seveni, nge Mwata neteva.

Jino Elija Wakuchishivi, apwile minavo muli vaze vatwaminenga ku Ngiliyate, ambile kuli Ahave ngwenyi, Omu ayoya Mwata Yehova tu, ou Kalunga ka Isalele ou ngejeji kwimanaga kumeso eyi, kakweshi kuka pwa mume chipwe vula myakeji, kuvanga halizu lyami kaha.

Lizu lya Yehova lyejile kuli ikiye, ngwenyi,

Fuma kuno, utalise kumututuko, alumuka utale kumututuko, ukaswame kumwana kalwiji Kelite, uze ali kwakamwihhi na Yotau.

Kaha chikapwenga, ukanwenga meya amuze mumwana kalwiji; kaha Ngunavalweze makololo vakakulishilenga kuze.

Tachikizenu, “kukulisa ove kuze,” keshi kwekako. “Kuzee!”

Ngocho ayile alingile nge kutesa na lizu lya YEHOVA, mokomoko lizu lya YEHOVA: mwomwo ayile atwaminenga kumwana kalwiji Kelite, uze ali kwakamwihi na Yotau.

Kaha makololo vamunehelenga mbolo na nyama ha chimene ha chimene, na mbolo na nyama nawa ha chingoloshi ha chingoloshi; kaha anwinenga meya amuze mumwana kalwiji.

Kaha kutwala muze chasolokele, uze mwana kalwiji omine chau, mwomwo kulifuchi kakwapwile vulako shikaho.

¹³ Echeni Mwata ahake kukisula Chenyi kukutanga cha Lizu Lyenyi. Kaha jino, ufuku uno, Ngwakutonda kumbata kutanga kufuma muze, chize vavuluka, “Kulya cha kushipilitu chamu ngonde Ino.” Chimene chino twapwanga na—kulinagula ha—ha “Kumulingila Kalunga mulimo, mokomoko kweseka kumulingila Ikiye mulimo chakuzeneka kupwa...-kuhona kupwa mulwola, ize ngonde, chize chihela, mokomoko muthu.” Kaha jino echi: *Kulya Chaku Shipilitu Cha Mungonde.*

¹⁴ Ou kapolofweto, Elija, twejiva chachindende hali ikiye. Oloze tunejiva ngwetu apwile ngamba ya Kalunga, kaha ngamba ya Kalunga wa ola yize.

¹⁵ Kaha Kalunga azachishile Shipilitu Yenye ize yapwile hali Elija, kapapa katatu, kushika kuyizachisa cheka kavali; kapapa katanu, ya likoji. Ayizachishile hali Elija; Yejile hali Elisha muvhanda vivali; yapwile hali Yowano muka Kujimika; kaha yatela kwiza na kuhana Mwenga wavakamiyachi Yeka na yeka; kaha nakwiza na Mose kumbata va Yuleya nakutwala kwimbo. Chize chakwoloka. Kapapa katanu muze Kalunga ashikile kuzachisa Shipilitu ya Elija, kaha yinazate lyehi kapapa katatu.

¹⁶ Jino, ou kapolofweto wamunene, etu katwamwiji vile oku afumine. Etu tunejiva ikiye apwile wa Kuchishivi. Oloze omwo ikiye ejile . . .

¹⁷ Etu twatachikiza mwamundende hali ou kapolofweto. Etu katwamwiji vile oku afumine. Chachindennde kaha . . .Nge, Kangwatachikizako nge afumine muliuka mokomoko nge apwile na chisemunwino munyima yenye. Apwile nge omu vapwa vathu kaha vakuzenenka woma, kaha, lwola lwaluvulu, vakuzeneka kutanga. Kaha kanda lyehi asoneke, vakiko. Isaya na Yelemiya, lizavu lyavo, vapwile vakakusoneka, oloze ou lunga wamunene Elija kasonekele numba chimwe. Vavavulu kavasonekeleko; pamo kavahashilenga kusoneka. Oloze vakiko vapwile malunga

va kufwakuluka. Kakwapwile lunga mu Mbimbiliya nge vaze tupolofweto vakushikulu. Vakiko vajilulwile mawangana, va myangana, vathu, mauka, na kala vyuma vyose, kaha vemyanyine vwakuzama ha Lizu Iya Kalunga, kaha Kalunga avenjikile kupwa va kwoloka. Vakiko vapwile vathu vakufukuluka.

¹⁸ Kaha ou Elija apwile umwe wavaze vakufukuluka chikuma hali vosena. Ikiye lunga wamupambo. Ikiye afumine mupambo; ayoyelenga mupambo. Ize Mbimbiliya yamba ngwayo ikiye apwile waungona. Ikiye apwile alikupilikile lilambu Iya mukoko, kaha na kachihanda chikapa, ka chilambu ka ngamela alikupilikile mumbunda yenyi, henyi. . . najikambu tepu kumeso enyi, kaha Nangweseka kushinganyekaho ikiye apwile lunga wakufukuluka hakumutala, kaha nahakumutala.

¹⁹ Oloze etu katwahashile. . . vakiko keshi vosena vafwile. Vakiko keshi vosena—vosena vafwile. Mumakumbi a Punga ya Nicene, vavavulu enu vathu mwejikutanganga *Ize Punga ya Nicene kuze Kwaputukile Liuka*, omwo vatondele kutunga lizavu kufuma mulikiko na kuhokola mauka akwavo, na kwiza muumwe, omwo vapwile na Punga ya Nicene, malunga vakufukuluka nge va Elisha vafumine mupambo, chakulya mihako kaha; malunga vavanene vakufwakuluka. Oloze va vavalemu, vahelu, vapwile mwishi ya Constantine, na vyangocho, vahizumwishile mazu avo. Mwomwo vaze, kupwa tupolofweto, vatachikijile linona Iya tiliku Iya Liuka Iya Mwenga Iyatela kuholoka hamavu, kaha chochimwe na linona Iya tiliku muli Samwenga Iyatela kuholoka hamavu. Kaha Iya twamine myaka likulukaji.

²⁰ Chize chikiko vali nakusoneka mumikanda mulikumbi Iya lelo, “Inyi uze Kalunga wakuholo uze ahashilenga kwimana kutala, kumona vanyike vavandende vali na kuvajiha, mapwevo kuvapula mutuvihanda kuli va ndumba, kaha ikiye natwame mwilu na kuhona kuhajikaho hali echi?” Vakiko kavatachikiza Lizu ko. Lize linona Iya tiliku Iyatela kuholokela ha hamavu. Kaha ngachilihi Kalunga wakwoloka kwimana na kutala Mwana Nenyi Ivene kufwa nakumufwijila nakutwalilaho, na vyangocho? Oloze echi chili mwaya Lizu, echi muchatela kupwa. Kaha muze mukiko mujila chili namu ola ino.

²¹ Ou lunga, ikiye apwile lunga waundume. Ikiye apwile na chisemunwino chashili kumeso eyi. Ahave apwile mwangana, ise kunyima yenyi apwile muthu wamupi. Kuputukila kuli Solomone, kwapwilenga mwangana umwe kaha wamupi hanyima yavakwavo. Kaha ou lunga, Ahave, ou ayulile myaka twende tu mu Samaliya, apwile wamupi chikuma kuhambakana vosena. Ikiye apwile wamuha. Ikiye afwelelele mukulifukula, punduvene. Kaha ikiye apwile navyosena muuha wenyi. Ikiye apwile natupolofweto twenyi fwoo handulendi vachihepeleu, vosena vakutangana shikola kanawa kaha vakulilogesele. Kalunga

atumine umwe kaha kahashile kuchifwelelako echi, kaha uze apwile Elija.

²² Oloze Elija, wa Kuchishivi, apwile lunga wamuchipapa. Keshi muusenena; ikiye lunga wafukuluku. Kaha likumbi limwe, hanyima ya Ahave navulumuna kumeso a Kalunga kahashile kwimanako, Ikiye ahanjikile kuli Elija muze mupambo. Kaha hano ikiye himwa shikumuka ku Samaliya, nge omu lwola lwosena ngweji kuchilumbununanga; pamo nawevu utoma kulovoka ku meso eyi, na mutwe walyaja vyaku vyakuwaku namusana, nameso amandende, kuyima kuze na mutondo mulivoko lyenyi, na kuseha kumeso eyi, kutambuka nakuya kuli mwangana wa Isalele, kaha ngwenyi, “Ize . . . Numba lyume kalyeshi kuhasa kuholokako kuvanga Ngunalisanyika.”

²³ Kalunga tuhane malunga nge vase, talenu, malunga vanejiva ovyo valinakulinga na MWANAMBE MWATA.

²⁴ Jino, etu tunawane ngana shimbu kanda alinge echi, nge Kalunga amusanyikile ikiye. Kalunga ahanjikile kuli ikiye kaha, shikangaho, ikiye kapwile nawoma nakala chuma. Ikiye kapwile nawoma na mujimbu wenyiko, nge kacheshi kusolokako; ikiye atachikijile nge nachikasoloka! Ikiye atachikijile chili kweseka na Lizu lya Mwata, kaha ikiye nge ikiye apwile kapolofweto ka Kalunga wa ola. Shikangaho chipwe muthu mwangana nahase kumuvatula mutwe, nakumumbila mukamenga, kalachuma vanahase kulinga, kachanehele chihandwa kuli ikiye ko; ikiye apwile wakutuma, “MWANAMBE MWATA,” muze vene kumeso amwangana. Apwile muthu wangachilihi wakufwakuluka! Oloze shimbu kanda alinge echi, apolofwetele echi changa chachinene . . .

²⁵ Mwomwo Kalunga keshi kwecha shili yiyenga chakuzeneka kuyizangamisa. Kwatela kupwa kuzangamisa. Kuwaha cha lushimbi chika nge—kuzangamisa chauchiko? Kaha kuwaha chacho chika, ngwenyi, “chili chakulimbalaka na lushimbi kumunyika malati,” kaha chamwaza hanyima yachechi, mokomoko kuzangamisa hanyima chauchi? Kaha kayechi kupwa lushimbiko. Shikaho kuli kuzangamisa ku shili. Kaha Kalunga atunga lushimbi, kaha luze lushimbi—lushimbi valujilulula, kaha kwatela kupwa kuzangamisa hali chize.

²⁶ Kaha eli lifuchi lyenyekele jishimbi Jenyi josena. Mamalelo, vakiko vapwile na liuka lyalinene, vakiko vapwile na tembele. Vakiko vapwile na malunga vakakutanga vavavulu. Vakiko vapwile na tupolofweto mulifuchi lyosena, vapwile na mashikola avakiko, kuvalumuna vakiko nge makina. Kaha vakiko vapwile na tupolofweto vavavulu, vapwile navo vavavulu na—na tupilishitu, vakiko vapwile navaka kusoneka, kaha vakiko vapwile vyakulifukula vyavivulu, oloze vakiko vapwile vakufuma ku Lizu lya Kalunga. Shikaho Kalunga eji kusanyikanga muthu kufuma kusali ya jiseteko javo josena, na kumutuma na MWANAMBE MWATA.

27 Kaha talisenu omu Ikiye echi kuzakaminanga Venyi Ivene. Shimbu kanda Ikiye atume ou kapolofweto na mujimbu, Ikiye ngwenyi, “Elija, yako na kumulweka Mwangana Ahave vyuma evi. Kaha jino, omwo naukalinga, kaha kafumeko kuli ikiye washiwashi, mwomwo Ngunatungu chihela okwo nauya mutando ya changa. Yami nanguya nakukulama, Elija, kachi ove naunangula kaha Lizu Lyami, linga kaha ovyo Nangukulweza ove kulinga.”

28 Jino Yami nanguya nakufwanyisa ou mulimo, ufuku uno, Elija na lwola lwa Elija, na ola tuli nakuyoyela etu jino holyapwa ngana. Ngwafwelela echi chili chifwanyisa cha kukupuka. Ngwakushinganyeka mafuchi...kachi Ngwa...etu tukwechi lwola lwaku kinduluka kunyima, oloze Ngwatondo kuhaka lwola lwaluvulu mumukana wakulomba.

29 Shikaho kachi etu natukinduluka na kumona, Isalele ambachile Palachise mwomwo mumwe nge omu natutala hali United States. Etu tuneza muli eyi United States na kushijika vapwilemo, vaze va Indians, na kuheta lifuchi. Kaha shikaho mukiko yalingile na Isalele omu ejile mu Palachise, kuhichila mutwamina wa Yoshiwa, kuhichila muli Kalunga, kaha nakukufumisamo vatwaminengamo na kumbata lifuchi.

30 Kaha va myangana javo vatete vapwilenga vindume jamalunga: Ndavichi, Solomone, na chindume chalunga. Netu va kulwane jalifuchi vatete vapwile vindume: Washington, Lincoln, na vyangocho. Kahajino makumishilo vakulwane jalifuchi na vamyangana vejile nakutwalilaho kupwa nakupola lwola lwosena, kaha makumishilo vejile nakukumishila hali Ahave. Ou vene chifwanyisa, chinalifwene na likumbi lyetu. Kaha vathu vanapu vavahya chikuma kavahashile nakutonda kwivwa Lizu lya muchano lya Mwata.

31 Kaha enu achishinganyekenu, hali vathu vavahya ngana, talenu ngamba ya Kalunga wa muchano mwevwakana ngana kulivakiko. “Mwomwoika, ikiye nge wakuzaluka, ikiye apwile nge wakuluwangana muwongo. Kakwapwile chuma changana.” Vakiko vapwile vakakwitava, vakakwitava chikuma. Vakiko apwile malunga vakushishika, vakiko vapwile vathu vakushishika. Vakiko vapwile vakakwitava.

32 Shikaho ikiye atachikijile ngana ngwenyi nachimbata kuhambakana kunangula chauthu, echi chinapu chakuhambakana—kuhambakana mujimbu kala, echi nachimbata kuhambakana kunangula Lizu, kupazula michima yalilolwa. Ikiye ejivile nge chinakutondewa MWANAMBE MWATA kutuma chize kusopesa hali vathu, shikaho ikiye ejivile chize omwo ayile na MWANAMBE MWATA. Kaha chapwile MWANAMBE MWATA. Kukana Chize, chapwile kusopesa. Etu twakumona chize mulikumbi lyetu, nawa. Etu twakumona chize mukala likumbi. Kakweshi chuma chimwe chasalileho shina kusopesa nge mutumbuka museto wa keke.

³³ Jino, chize chifwanyisa kuze, chize, Yami nanguya na kufwayisa Elijana liuka lya lelo, liuka lya lelo. Hanyima kaha ya kusopesa, ikiye atambwile ou mujimbu. Elija, ikiye emanyinyineko, kupwa wakuzakamina kumujimba, chakulya chenyi chaku mujimba, mwomwo kayeshi kunokako jino, kutesekesa naLizu lya Kalunga, mu myaka yitatu na tukweji va sekisi, mokomoko palanga nomu Elija mwakayisanyika. “Kala lwola mwakamba, Elija, muze mukiko nachikapwa.” Shikangaho ikiye atambukile na kuya kuli mwangana, kaha ngwenyi, “Kakweshi kukapwa chipwe lyume kuholoka palanga nomu Nangukalisanyika.” Chize chapwile—chiteli, keshi ngochoko? Uze unapu mujimbu!

³⁴ Kaha jino etu natuya nakufwanyisako chize na changa chamushipilitu lelo. Jino, etu vosena tunejiva, etu twatachikiza, ngana nge kuli changa chakushipilitu mu lifuchi lelo, kuhanjika mushipilitu. Kaha, enu munatachikiza, chize vachipolofwetele kuli kapolofweto, hanyima kaha shimbu kanda Kwiza cha Kulishitu kamuchivali chipwengako, ngwenyi, “Kuze nakukeza zala yakalombolombo mulifuchi, kaha kayeshi kupwa yam mbolo kahako, oloze yakwivwa Lizu lya Kalunga.” Kaha lize likumbi jino lino, “kwivwa Lizu lya muchano lya Kalunga.” Jino, echi chinafwanyisa changa cha kumujimba na kushipilitu.

³⁵ Shili na kuzeneka kufwelela, kuhichila kuli va kakunangula vakwonga na vaze vavahya muliuka, vananehe chihela nakukwiza echi, cha kusopesa chilinakwiza. Kahajino vakiko vanalumuka kufuma ku Lizu lya Kalunga na kapolofweto Kenyi, kutala ku kukunagula chauthu chachihya kutwalaku Lizu.

³⁶ Enu tachikizenu hano, echi chili kaha lwola luze Kalunga lwola lwosena eji kukatula chuma chimwe. Mwomwo, Ikiye, lwola lwosena, Ikiye kalinga chuma chimweko palanga chatete Ikiye mwachisolola echi kuli vathu jenyi, kaha Ikiye lwola lwosena Ikiye mwachisolola kuhichila muli vangamba Jenyi.

³⁷ Jino, oloze Elija, lwola kana luno, apwile nachihela chakuswama chize Kalunga amutongwelele ikiye kuze. Chize chikiko etu tunatondo kumona jino shimbu kanda tupwenga nakutala kumukana wavakulombela. Elija apwile nachihela chakuswama chakumuwayishila kuli Kalunga Ivene. Jino, lize liuka kalyahashile kumuwahishilachoko, mwangana kahashile kuwahishilachoko, ikiye kaliwashilile choko ivene, oloze Kalunga amuwahishilile chihela chakuswama cha Elija vakamulishilemo mulwola lwa changa, muze chakulya chenyi vachiwahishile ha kumbi ha kumbi. Ikiye katondele kulikomokela chika nachisoloka hamene mokomoko kulikomokela nge vyakulya navikuma. Kalunga ngwenyi, “Ngunavalweke makololo kaha navakulisa kuze ove.” Ocho chuma kuwaha, chifwanyisa cha chihela chakuswama muli Kulishitu.

38 Omwo punga yakaye na vyosena vinakuhita na lelo, vize vinakwamba ngwavo, “Makumbi avikomwesa ahita lyehi.” Jize ngolo jajinene ja Kalunga vanajimbatemo mumauka. Vakiko vali nakusoloka nge, kavazangile kala, kaveshi na chumako oloze “chifwoyo chakuhumuna na kuneha vyema.” Etu tunejiva ngana chize muchano. “Kaha kufwana kaha chakumukomoko Kalunga, kaha kukana Ngolo jacho shikangaho.”

39 Echi chili chochimwe nachize Ndavichi alingile, chimene chino, na litemba lya ngonbe chavangombe, kufuma mu Lizu. Omwo Lizu navakalimika nakulihana kuli vakiko, vakiko kavatondele Chizeko; shikangaho, vakiko vanafumu muli Echi.

40 Chize chikiko vaze vathu valingile mumakumbi a Elija, vafumine ku Lizu. Vakiko vashinganyekele ngevali na Lizu, oloze kavapwle Nachoko. Shikangaho tachikizenu jino mu . . .

41 Halwola Ikiye ayile na kuzangamisa vakakuzeneka kufwelela, Ikiye apangile jila ya mukakufwelela. Eji kulinganga mwomumwe Ikiye lwola lwosena. Mumakumbi omwo apwile na kuya Ikiye nakwenyeka kaye na meya, Ikiye apangile jila yakuchinyina Nowa. Mumakumbi aze Ikiye ayile nakujimika Ejipitu, Ikiye apangile jila yakuchinyina kuzauka kalungalwiji ya vathu Jenyi. Omwo Kalunga eji kupanganga jila Yenyi! Kaha kuze kakweshi jila, Ikiye Jila. Ikiye ize Jila!

42 Jino etu tunatachikiza ngana nge tuli nakuli humangana na . . . na ji ola jimwe jajinene mumijimbu twatachikiza lyehi. Echi kacheshi mwitwe yajita na mbomu yakuvwakuma, na mutwe haukiko, ngana nge katwatela kwivwa woma waechi. Chilimauka twatela kwivwa woma. Echi chili lwola tuli nakuyoyela luze twatela kutala.

43 Jino tachikizenu, oloze Kalunga apangile jila ya Elija yakuchinyina. Kaha Ikiye napange jila yakuchinyina yavaze vana Venyi va kufwelela, utenu na vyuma vize navikeze.

44 Mwomwo, Kalunga keshi kuhasa kusopesa kaha vathu na kuvatumina kuzangamisa, na kushikumuna Satome na Ngumola, na kushikumuna Kapelenau mukachi kakalungalwiji, na kupaisa chize chisemunwino, na Satome na Ngumola, kaha nakutwecha etu kulinga chuma chochimwe na kuyanacho echi. Etu tuli kaha vakukunyuka kukusopesa nge omu vakiko vakunyukile. Jino etu tutachikizenu chize . . .

45 Omwo vyuma evi navikeza, vavahya valelo, Kalunga akatwile muthu mulikumbi lize, mokomoko akatwile muthu, vene, kukwata jize jingolo, kaha vakiko kavashile kwivwilila kuli echi. Vakiko vashinganyekele nge nazalu, “Ikiye najimbalisa vishinganyeka. Ikiye apwile kashinakaji wakusehewa, chileya wakufuma kupambo, kusoloka wakuzaluka wamumusenge.” Oloze, nyi, ikiye apwile Lizu lya Mwata.

46 “Lize Lizu kalya lumbununa omwo Lya hanjika,” vakiko lelo ngwavo. “Mamalelo, chamwaza, Mbimbiliya yapwa mukanda

wamujimbu wamwaka.” Ngwafwelela enu mwamona lyehi echi, chize jino vakiko valinakukala, chize, “Eva kalile ize apo ko, ikiye ali...” Chuma muka echi? Ngwafwelela... “Echi chapwile nge chacha,” vakiko ngwavo jino. “Echi chapwile nge chacha.” Kaha jinonyi, chize, “Mose kanda lyehi ahehe vana nakuvaha hichisa Mukalungalwiji Uchila. Chize chapwile mukuta wa mahongo, nakusali ya kalungalwiji, kaha ikiye ayile kuhita mukalungalwiji wa mahongo.” Kahajino meya alingile ngachilihi, m-e-y-a, kupanga mbango sali na sali, vakiko vayile ha mavu aumu, kahajino? Mamalelo, kusoloka chakuzeneka mangana! Oloze, enu mwamono, chinatondewa likumbi lyakufwana ngana kulingisa utenu wa Kalunga kusuluka hali vathu. Echi chechi kulingikanga.

⁴⁷ Vakiko ngwavo kakweshi chuma chakufwana nge—nge eyi... Numba thuhu vamuliuka kavafwelela muvikomwesa ko. “Yami na ngukuhana mandola sauszande,” vakiko ngwavo, “Ngusolwele yami chikomwesa. Ngusolwele yami chikomwesa!” Chamwaza, vakiko kumona echi chiku numba kachi nakupwa masauzande teni vyuma kulingika kumeso avo. Mwomwoika, vakiko, kaveshi kuka monako echi.

Enu ngwenu, “chize chachikalu.” Mamalelo, nduma, echi kacheshi kuhasako.

⁴⁸ Elija Iwolalumwe ku Ndatane, kaha maswalela va Sulya vejile nakuvajingilika nakujingilika mbongi, mangana vavambate, mwomwovakiko vatachikijile nge kuze kukiko—kuli ngolo jalifuchi, jawile muli uze mukakumona. Mwomwoika, uze mwangana... Umwe wavo amulwekele mwangana waku Sulya, ngwenyi, “Mwomwoika, munejiva, Elija kapolofweto, uze wa Kuchishivi, eji kulweka mwangana wa Isalele ovyo weji kushinganyeka mukapete kakusweka.”

⁴⁹ Ngwenyi, “Yako kumumbata uze mukweze! Uze ikiye ali nakutuhonesa etu.” Kaha maswalale vava Sulya vosena valivembele nakujinguluka Ndatane. Vakiko vajingulukile kwosena.

⁵⁰ Kaha Ngehaze, uze—uze ngamba ya kapolofweto, ahindikile, kaha ikiye ngwenyi, “Mamalelo, tata yami, maswalale vanatujingilika hano. Etu vanatujingilika vene chendo.”

⁵¹ Ikiye ngwenyi, “Mwomwoika, kuli etu kuli vavavulu kuhambakana kuli vakiko.” Talenu?

Kaha Ngehaze atalile na kujinguluka, ngwenyi, “Kangwamwene naumweko.”

⁵² Ikiye ngwenyi, “Mwata Kalunga, sokolola meso ou kanyike.” Kaha meso enyi asokolokele, kaha jipili josena jazalile na Vangelo na matemba anatwame kuze, Ngolo ja kuzeneka kumona.

⁵³ Elija atambukile nakuya kuli vakiko, kaha Mbimbiliya ngwayo, “Ikiye avashile upuputa.” Ikiye atambukile nakuya kuli vakiko; vakiko vapwile tupuputa kuli vakiko. Atambukile nakwamba ngwenyi, “Muli nakutonda Elija?”

Ikiye ambile ngwenyi, “Eyo, etu tunakutonda ikiye.”

⁵⁴ Ngwenyi, “Twayenu kuno, nangumilweza oku ali ikiye,” kaha ikiye avatwalile vene muchingombela, kuze vene kwapwile maswalale nakuvakwata.

⁵⁵ Jino, ize Mbimbiliya ngwayo, “Ikiye avashile upuputa.” Chize chakumishile echi. Kaha vathu vali vaupuputa chikuma lelo, chipwetuthu Mwata Kalunga ejile mukachi ketu vathu na kulinga kalachuma, kaha navyuma Ikiye ashikile, vakiko chochimwe kaveshi kuhasa kumona Echiko. Vakiko vali vaupuputa mushipilitu; kavamwijiva Kalunga ko, kavejiva Ngolo Jenyi ko jajinene. Jino, etu tunatachikiza ngana vachilingile mumakumbi a Elija, kaha vali nakuchilinga na lelo. Kalunga ali nakuvaveta vakiko upuputa. Vakiko ngwavo lelo, chize, “Kakweshi vikomwesa ko, kakweshi chuma changochoko, vosena evi vinapu kwivwa cha mujimba.”

⁵⁶ Kaha vakiko vahanjikile vyuma vyovimwe hali Elija, mwomwo omwo ikiye vamatwalile mwilu kaha Elisha ambachile chihela chenyi, mukweze wa lunga, apwile namutwe walyaja, kambulu, vanyike valahile nakwiza nakumukavangiza munyima yenyi, kaha vambile ngwavo, “Kashinakaji wa mutwe walyaja, mwomwoika unahonene kukanduka hamwe na Elija?” Talenu, Vakiko kavachifwelele na kuma putukilo, vaze vathu, hanyima ya vyuma vyavivulu vinalingika. Kaha ou chindume cha muthu wa Kalunga vanamunungulula Mwilu na litemba lya kakahya, kaha vathu chochimwe kavahashile kuchifwelela Echi. Kaha vapwile na vana vavo vavandende kulaha munyima you muthu na kwamba ngwavo, “Kashinakaji wa mutwe walyaja, mwomwoika una honena kukanduka?” Talenu? Kaha jino uze kapolofweto angwile vaze vanyike, kaha mulusu ajihile vakuheta ku fwote tu.

⁵⁷ Jino tachikizenu. Lelo, nge omu chapwile jino, vakiko vahakileko ulumbunwiso wavo ku Lizu. Jino, kachi vakiko vanatondo chize, chize chilikuli vakiko, oloze vakiko vanakweseka kutulingisa etu kufwelela echi. Ize Mbimbiliya ngwayo chize, “Eli Lizu lya Kalunga lili lya kulzena kulumbununa chakupenge.” Kalunga ali Ivene ulumbununwiso wa Echi. Kalunga eji kwinjikizanga Lizu Lyenyi, kaha chize chinapu kulumbununa Echi. Nge omu Ngweji kuhanjikanga kakavulu, Ikiye ngwenyi kumaputukilo, “Echenu kupwenga kumunyika,” kaha kwapwile kumunyika. Chize kachatondele kulumbununa; echi chasolokele. Ikiye ngwenyi, “Sanda mwakemita,” emichile. Ikiye ngwenyi Mwaka “mwakahingununa Shipilitu Yenyi,” Ikiye achilingile. Kaha Ikiye ngwenyi, “mumakumbi akumakumishilo,” vyuma

vize Ikiye mwalinga, kaha Ikiye alinakuchilinga echi! Echi kachatondele kala kulumbununa; Kalunga ali nakulinga ulumbununwiso Wenyi Ivene. Chipwetuthu muthu wachileya mwamba ngwenyi, chize kacheshi kwimika Kalunga numba chachindende.

⁵⁸ Omwo Yesu apwile hamavu, Ikiye na kuzeneka kufwelela chachivulu kuhambakana chakutela kupwa nacho nalelo, kaha pamo kuhambakanamo. Oloze kachahashile kumwimika Ikiye ko; Ikiye atwalileho kuzata na kuzata milimo Yenyi, kaha Kalunga kwinjikiza vyosena Ikiye alingile. Ikiye ngwenyi, “Keshi yami Lyaveneko. Tata na Yami twapwa umwe; Ikiye atwama muli Yami. Keshi Yami ngweji kulinganga milimo eyi, ali Tata atwama muli Yami. Kaha kachi Kangweshi kulinga milimo Yenyi ko, kaha kanda mungufwelela Yami ko; Oloze nge Nguli nakulinga milimo kaha enu kamweshi kufwelela Yami, fwelelenu milimo.” Talenu? Mujila ikwavo, vakiko. . . “Tondenu mu Visoneka,” Ikiye ngwenyi, “mwomwo mukiko muli nakushinganyeka ngwenu mukwechi ku Kuyoya Chahaya mwaka yosena, chili hakwijiva Visoneka. Kaha Visoneka, Vivene, vyeji kuhana ujiho wa Yami.” Amena! Hanjikiso kana! “Vakiko vali vakiko, vize Visoneka, chize cheji kumilweza enu Yami Nguhiya,” Yesu ngwenyi.

⁵⁹ Kaha vili Visoneka vili nakumilweka enu ola muli enu na kuyoyela. Kaha vyuma muli nakumona kulingika, chili Kalunga uka Wenyi mukachi muli vathu Jenyi. Chauchi chinahase kusangula wakufwa shina Kalunga. Chauchi chinahase kulinga vyuma Ikiye alingile kuvanga Ikiye kaha. Mwomwo Mbimbiliya ngwayo, “Ikiye youmwe zau, lelo, na hayamwaka.”

⁶⁰ Jino etu tuli nakumona vathu vavahya, kahajino, “Mamalelo, mukumbi anahichi, kakweshi chuma chimwe nge vikomwesa. Vaze vathu vali kaha nakwivwa nge kutonesa cha mumujimba chinazachiwa.”

⁶¹ Ivwililenu kuli Elija, uze kapolofweto, kutambakana hali vakiko na vaze vakutangisa vyautu. Tachikezenu, tachikezenu, ikiye ahanjikile nge Kalunga Ivene. Elija ahanjikile nge Kalunga Ivene, “Mbundu kayeshi kuholoka kufuma mwilu palanga nomu Nangukayisanyika.” Amena! Eyo, mwane. Uze kapolofweto apwile chikuma Kumeso a Kalunga!

⁶² Uze kapolofweto wa Tesitamende Yamwaka, mokomoko kala lwola, omwo vakiko vayoyela Kumeso a Kalunga palanga vakiko naveza kupwa Lizu, Mujimbu wavo uli Lizu Livene. Kaha, anukenu, ikiye ngwenyi, “MWANAMBE MWATA.” Kaha omwo vaze malunga vapwile nauze mijimbu kufuma kuli Kalunga, kaha vakiko kupwa vakulikupilika navishinganyeka vyavo. . . Echi chinahase kupwa chakulimbalaka navishinganyeka, vakiko kachi vanahase kupwa na—na kuchimona kupwa chakwoloka. Oloze vakiko vapwile kuhanjika Lizu Iya Kalunga, “MWANAMBE MWATA.”

63 “Kakweshi kukapwa chipwe vula palanga nomu Nangukayisanyika.” Mamalelo, hanjikiso kana! Ikiye apwile Kumeso a Kalunga kaha wakwinjikiza mwakukupuka. Kaha, anukenu, chize kukavangiza Amosi 3:7, “Uze Mwata Kalunga keshi kukalinga chumako palanga chatete Ikiye nachisolola echi kuli vangamba Jenyi tupolofweto.” Ngwenyi, “Kakweshi kuya nakunoka vulako!” Ikiye chatete. . .

64 Vakiko vamusehele ikiye, vakiko vashinganyekele ikiye kupwa wakuzaluka, “Chize chikiko kuseha!” Oloze, talenu, ikiye apwile na MWANAMBE MWATA nge kakweshi kuya nakupwa navula. Kaha, Kalunga, shimbu kanda ikiye alinge chize, Ikiye achisolwele kuli Elija na ngamba Yenji. Kaha ikiye vamwinjikijile, kapolofweto wakwinjikiza, shikaho vathu vatelele kupwa va kulikonekela. Oloze, kachi valinge chize, vakiko vamusehele ikiye, ngwavo, “Mamalelo, etu tukwechi vula yayivulu! Muze mwakulamina vula mwazala mbe. Vaze tulwiji vali nakuhita kanawa.”

65 Ize Mbimbiliya yamba ngwayo, “Kakwapwile chipwe lyume mummyaka yitatu natukweji sikisi.” Vana vatulwiji vosena na meya omine chau, kwosena. Uze kapwile muthuko, uze apwile Kalunga kuhanjika kuhichila muli muthu. Uze apwile ikiye “Yami” ikiye apwile. Etu lwola lwosena twatachikiza. Shikaho ikiye. . .

66 Etu tunawane ngana nge omu muthu mweza, waktuma kuli Kalunga, waktongola kuli Kalunga, na muchano wa MWANAMBE MWATA, mujimbu na muluwa apwa umwe na chochimwe. Mwomwo ikiye vamutuma kwimanyinako MWANAMBE MWATA, Lizu ha Lizu, shikaho ikiye na mujimbu wenyi chochimwe.

67 Muthu wa chikungulwilo mwishi ya kukingiwa cha chikungulwilo, ikiye na liuka ali “umwe.” Mukakunagula vyauthu ali mwishi ya kunangula chauthu, waktunga kuli chikungulwilo chimwe, ikiye na mujimbu wenyi vali umwe; liuka lya kunagula chauthu, mukakunagula chauthu. Chili chakusungama.

68 Kaha jino nge mutu mweza na MWANAMBE MWATA, ikiye na Mujimbu vali umwe. Kaha omwo Elija ejile na MWANAMBE MWATA, ikiye na mujimbu wenyi vejile nakupwa umwe. Nge omu Yesu, omwo Ikiye mweza, Ikiye apwile Lizu, Mukakujila Yowano 1. Shikaho Lizu lya Kalunga na muluwa wachisemunwino apwile chuma chochimwe, lwola lwosena. Chize chakwoloka.

69 Yesu apwile Lizu lize va polofwetele. Ikiye apwile uze vahanjikile tupolofweto ngwavo omwo mwakasoloka, “Sanda mwakemita na kusema Mwana.” Kunyima chikuma kumaputukilo, Kalunga avalwezele, ngwenyi, “Mbuto ya pwevo nayikachika mutwe wa linoka, kaha ikiye mwakachi

kakukunya kenyi.” Awa maupolofweto osena vawahanyine. Ndavichi kutambakana, na vakwavo vosena tupolofweto kuhita muvisemunwino, kuhanjika hali Ikiye. Ikiye apwile Lizu lyasolokele! Haleluya!

⁷⁰ Jino muli nakumono okwo Yami nguli nakuya? Ngwahanjikile nayenu hatoma tho chino chimene. Kamweshi nakumona enu lusesa lwa Kalunga wa kuyoya mu Liuka lya kuyoya, Mwenga? Vaze vakakuviza vali nakuyoya, vafu vali nakusanguka, vaze vitonji valinakutambuka, vaze tupuputa valinakumona, Mujimbu wamwaza ulinakuya mu Ngolo Jacho, mwomwo Mujimbu na muluwa vali chochimwe. Lize Lizu lili mu Liuka, muli muthu.

⁷¹ Lize Lizu lya Kalunga lyapwile muli Elija omwo atambukile kuze na MWANAMBE MWATA, kaha ngwenyi, “Kayeshi kuya nakunokako.” Uze kapwile Elija ko; uze apwile Kalunga muli Elija.

⁷² Ngwambilenga ngwami lwola lwaluvulu, nge muka Kulishitu wa Sayasi wapwevo uze yami angulwekele lwola lumwe. Ngwavulilenga kuchambulula lwola lwaluvulu hali echi. Ikiye ngwenyi, “Mukulwane. Branham, ulina kuvula kulivwimbila chikuma hali Yesu.”

Ngwambile ngwami, “Ngwafwelela chize chikiko kaha chuma Nakakumbulula ho.”

Kaha ikiye ngwenyi, “Ove ulinakweseka kumulingisa Ikiye kupwa Kalunga.”

Ngwambile ngwami, “Ikiye apwile Kalunga.”

⁷³ Ngwenyi, “Mamalelo, Ikiye apwile kapolofweto, Ikiye apwile muthu wamwaza, oloze Ikiye kapwile Kalunga ko.”

⁷⁴ Kaha Ngwambile ngwami, “Chamwaza, ngulweze Chisoneka chimwe chize chamba ngwavo Ikiye kapwile ngochoko.”

⁷⁵ Ikiye ngwenyi, “Mu Mukanda wa Mukujila Yowano, yamba ngwayo Ikiye ‘alilile’ omwo Ikiye ayile kuchimbumbembe cha Lazalu.”

⁷⁶ “Chamwaza,” Ngwambile ngwami, “punduvene, Ikiye alilile. Ikiye asemukile muthu na Kalunga. Ikiye apwile muthu, kulila; oloze Ikiye atelele kupwa Kalunga na kusangula vafu.” Chakwoloka. Ngwambile ngwami, “Ikiye apwile muthu, nazala; oloze Ikiye apwile Kalunga kulisa vathu tununu vatanu, na tumukamo twambolo nava ishi vatanu.” Chize chakwoloka. “Ikiye apwile muthu, kusavala kunyima yawato; oloze apwile Kalunga muli Ikiye uze ahashile kuunjisa meya.” Mwomwo yaka? Ikiye na Mujimbu Wenyi apwile umwe.

⁷⁷ Ikiye ngwenyi, “Yami na Tata Yami twapwa umwe. Tata Yami atwama muli Ami.” Ikiye apwile kuzalilila cha Ukalunga mumujimba.

⁷⁸ Ngwashingtonyeka echi chili chakukolesa likumbi lya pwangaho, omwo Ngwapwanga na kuneha *Vize Visemunwino vya Liuka Seveni*. Kuputuka naechi, Ngwa—Ngwahonene kulingisa Yesu kwimana kuze navaze...na chize chitoma hali Ikiye nge ngana, ngwenyi, “Jikambu jenyi japwile jitoma nge mangona amikoko.” Kangwahashile kwivwushisa omu muthu wamwaka seti sili apwenga najikambu jitoma ngevula yachishika.

⁷⁹ Ngwasanyikile mukakunangula vyauthu, Mukakunangula vyauthu wa Pendekosita, sepa lyami wamwaza. Chamwaza, apwile Ndumbu walunga Jack Moore. Ikiye wautongwe, muthu wamangana. Ikiye ngwenyi, “Ndumbu walunga Branham, uze apwile Yesu mukutohwesa. Muze mukiko Ikiye asolokele hanyima ya kumutohwesa.” Nduma, Kangwahashile kufwelela chize ko. Nduma.

Ngwa—Ngwa—Ngwambile ngwami, “Chamwaza, Ndumbu walunga Moore, ngwasakwililako.”

⁸⁰ Ngwapwanga mukapete na kuhanjika na Kalunga. Ngwatalanga mu kokondance mangana kumutwala Ikiye kunyima kuli Ndanyeke, kuze vamba ngwavo, “Kaha ejile ku Makumbi ava Kakuluka Uze ukwechi jikambu jenyi japwile jitoma nge mangona amikoko.” Ngwambile ngwami, “Mwata, Ngwa—Ngwa—Kangwatondele kutachikiza ovyo vya kuhanjika, kaha Nguli namulimo.” Jino, chize chapwile shimbu kanda ku...kaha anukenu, shimbu kanda Tutachikijilo twa Seveni vatusokolole, pamo mwaka umwe chipwe ikwavo, shimbu kanda. Ngwapwile nakulomba kuze, “Mwata, chuma muka echi?”

⁸¹ Kaha Ngwatalile, kwimana kumeso ami, kaha kwemanyine muthu walunga kaha ikiye apwile mukakusopesa, kaha ikiye apwile najikambu jakufwikako jitoma. Vaze vakakusopesa wa makumbi akushikulu vamyaka vapwilenga nakuvwala jikambu jakufwika jitoma kwinjikiza ngolo jakulitulaho.

⁸² Kaha jino omwo ngwamwene Yesu na jikambu jakufwika jitoma, Ngwambile ngwami echi chinenjikiza muchano uze mwatachikiza, ngana nge Ikiye Ngolo ja Kulitulaho. Kalunga ejikijile chuma chochimwe Hapili ya Kwalumuka, ngwenyi, “Ou ikiye Mwa Nami ngwazanga, mwivwililenu Ikiye, Ngolo ja Kulitulaho!”

⁸³ Kahajino kunyima kuze kumaputukilo cha Tutachikijilo Seveni, omwo vaze Vangelo seveni vasulukile muli chifwanyisa cha kaposhi, kwimana kuze nakungulweka yami kukinduluka kuno na kuhanjika hali etu Tutachikijolo Seveni, kaha Ikiye mwapwa na yami, Ikiye mwangulweka yami vakiko vapwile veyo, vajimbalishile vyuma. Ngwashingtonyeka lwola lwosena echi vachijika kunyima ya Mukanda kaha nachipwa chuma vazeneka kusoneka mu Mukanda, oloze chasolokele

ngechize vachilingishile kuchijiva nge kacheshi Ikiye keshi kulinga chize ko. Echi kacheshi chuma chize vasoneka mu Mukanda...Chili chuma chize vasweka mu Mukanda. “Mwomwo wose mwakambata Lizu limwe kufumisa muli Echi mokomoko kuhaka Lizu limwe kuli Echi...” Shikaho anapu mangana akuswamana anapunga mu Mukanda muli vize visemunwino vya liuka seveni. Oseni umwe na umwe alowele aze—aze mangana akuswamana, akuvuluka kujimika chamu meya na vyuma vyeka vikwavo vize vakiko vapupuchilenga tando yayisuku.

⁸⁴ Kahajino omwo chize chaile helu, chakumwenesa mwilu chapwile mu California, mbwe naku Mexico, kuhita ku Tucson, kuli kwosena, kumbata na chifwanyisa ya Chize. Chize chapwile kumonesa cha mangana akuswamana. Ndumbu walunga Fred Sothmann kuze, natwame kuze kunyima, kaha yami na Ndumbu walunga Gene Norman, kwimana kuze kumona nomuchayile Chize nakukanduka helu. Vambachile chize chifwanyisa, oloze vahonene kwijiva omwo chalumbunukila. Hano lwola lumwe kunyima, wosena apwile nakwamba ngwenyi, “Tala hano. Chili chasoloka kupwa nge *chili*, kaha aze mavava a Vangelo, omu alivungile muze.”

⁸⁵ Likumbi limwe, kuchalumuna na kutwala kuchilyo, kutalaho, muze mwapwile Yesu Kulishitu henyi henyi mukukupuka nge kufunda cha Hofmann omu amufunda Ikiye. Chize chemanyine namutwe wakufwika najikambu jitoma, kutala na kutalisa hamavu, kusolwesa kupwa Ikiye Ngolo ja Kulitulaho. Aze Melu kujimbula chize, na Mbimbiliya kujimbula echi, na Mujimbu kujimbula echi, vyosena chochimwe. Ngolo ja Kulitulaho, na jikambu jakufwika jitoma; enu talenu na wevu Wenyi wilava. Vavavulu enu mwamona lyehi chize chifwanyisa. Etu tuyikwechi kunyima kuze. Enu yalumunenu kutalisa kuchilyo, sali yikwavo, Talisa hali ikiko. Haze naumumona Ikiye, henyi henyi mukukupuka nge omu mwapwa, kachi nge Ikiye vanamufwatula. Vakiko vali nakutalaho mumbango yakuhenga. Enu mwatela kutalaho mumbango ya yakusungama. Kaha Mwata Kalunga kaha nahase kusolola chize chili mu mbango yakusungama. Yalumune kuchilyo kaha talaho. Haze Ikiye vene hali, chochimwe henyi henyi mukukupuka, nge muze vana fwatula haze.

⁸⁶ Lwola lwatete Ngwahashile kumumona Ikiye, Ikiye asolokele nge uze *Mutwe wa...*Hofmann. Kanda lyehi ngumumone. Kaha Billy mbalaka ya Sondo, mwaka owo kunyima, Ngwachimwene echi. Zuvo yami kanda lyehi yitwame chakuzeneka echi chifwanyisa.

⁸⁷ Kahajino, hano muutangatanga, kuhanjika chize nge uze vene Kalunga Ngwamwene muze muchimweno kuze, muze vene shimbu ngwapwile ngukanyike haze vanatungila zuvo ya shikola, Ikiye asoloka ngachize. Kaha muno Mwilu, mwahichi

myaka seti sili kufuma haze, hanga chambulula echi, chize chinapu muchano. Ize ikiko jila Ikiye asoloka; keshi nge chuma chakuswamanako chamangana amuthuko.

⁸⁸ Nge muze mu Vatican, vakiko vakwechi nge—nge—nge Kulishitu wakufunda haze, na kamufunda kumujingulula katoma kawevu mokomoko kamujingulula kawevu kujinguluka chipoji Chenyi, seteko ya chibwa cha inchi mukusuwa, twahichi helu lya kanwa Kenyi kaha nge *echi*, na kuvuluka chize kupwa Kulishitu.

⁸⁹ Chize chinaku ngwanukisanga mukakufunda umwe wachi Ngiliki Ngwamwene lwola lumwe mu liuka lyalinene lya kushikulu, kusolola omu Alama na Eva omu vasolokele nge; vakiko vasolokele nge tunyama mokomoko nge chumachimwe. Muze mukiko wongo wa chisemwa unahase kushinganyeka havyuma vya shipilitu. Ngwashinganyeka Alama apwile muthu umwe wamwaza uze ayoyelenga hamavu, kaha Eva apwile pwevo wakukupuka mujijila jenyi.

⁹⁰ Jino wongo wachisemwa weji kulikupilika Muvyuma vimwe vya vishinganyeka vyavo, kahajino Kalunga mwatuma na kufukununa Vyuma na Ngolo Jenyi. Muze mukiko chapwile naha makumbi Ahave.

⁹¹ Jino, etu twawane ngana nge Elija ahashile kuhanjika ngachize mwomwo ya Mujimbu wa ola na Lizu lya Kalunga, mokomoko, muluwa, Mujimbu—na Mujimbu, na lize Lizu, apwile vene chuma chochimwe. Uze kapolofweto, lize Lizu, Mujimbu; muluwa, Mujimbu, na Mujimbu, apwile chuma chochimwe. Yesu ngwenyi, “Kachi Kangweshi kulinga vilinga vize vasoneka hali Yami, kaha kanda mungufwelela Yami ko.” Chize chamwaza. Kala muthu na mujimbu wenyi ali umwe.

⁹² Shikangaho lelo vanahonena kufwelela mukulinga milimo ya Kalunga, mwomwo vakiko vanahono kutambula Mujimbu wa Kalunga. Vakiko kavafwelela uze Mujimbu.

⁹³ Oloze vase va fwelela ola ya Kalunga eyi tuli nakuyoyela, vyuma evi vinapu Chakulya cha kusweka. Shinganyeka, Kalunga achisweka Echi ngana vakiko vali nakutalaho hali Chize nakuchimona chize Chiku. Jila yoyimwe yize Elija elavishile meso a maswalale va Sulya. Jila yoyimwe na Kalunga eji kwilavisanga vakakuzeneka kufwelela kufuma ku Chakulya chamwenemwene cha vana, vase vakakufwelela.

⁹⁴ Ocho vamuvulukilile Nowa, “wakuvayangila,” kutunga wato, meso eyi apwile akusokoloka ku Lizu lya Kalunga na kulushiko. Chizevene vakiko vasanyikile kupwa kuvayangila, chamulwilile Nowa na chisaka chenye. Talenu, chuma chochimwe. Chuma veji kusehanga kuli vathu, chikiko chochimwe chikiko chize tunakulombangaho etu. Chize vavuluka kuli vathu ngwavo “kuzaluka,” etu tunakuchisanyika “Undume!” Chize vavuluka kuli vakakaye “undume,” Kalunga

achisanyika ngwenyi “uleya.” Kaha chize vasanyika kuli vakakaye “uleya,” Kalunga achisanyika “Undume!” Echi chili vene chakulipusana mukachi ka Kwoleka na kuhenga. Yesu Kulishitu ikiye chochimwe zau, lelo, na haya myaka.

⁹⁵ Anukenu, ikiye ayile muchihela cha kuswama ha punga ya Kalunga, ha kusanyika cha Kalunga, na Lizu Iya Kalunga. Elija engilile muchihela cha kuswama ha kutachikizaho lyehi kuli Kalunga, punga, na kusanyika ha chiyoyelo chenye, na kutesa na Lizu. Kachi chize kacheshi jila etu twengilila, Kangwatachikijile omwo mwakuhetela kuze.

⁹⁶ Kaha talisenu, shimbu kanda changa chiputuke, Elija ayile muchihela chakuswama ha kuyoya chenye. Cha kulifwana na shimbu kanda kusopesa chiputuke kuveta hamavu, lize Liuka lyapwile Iya kusanyika, Mwenga apwile wakusakula, kaha ali kaha nakuvandamina shimbu kanda kusopesa chivete. Vali lyehi kuvandamina, kulya Chakulya cha Kalunga, kuwahilila na kisu ya Kalunga. Kala muthu ali na wongo wauthu nejiva chize nge tuli mukwoleka, etu tuli mu ola ya kusopesa.

⁹⁷ Tala! Ndumbu walunga Banks, enu malunga vakulisezaseza muli hano ufuku uno, enu mwemanyine kuze haze hapili chize chimene.

⁹⁸ Kaha Ngwakutonda kuhanjika kuvuluka pili, Sondo yikwavo nachimene, nge Mwata netava. Ukwechi kusoloka chachinene, chuma chimwe halutwe chize Nanguhona kutulika mumuchima kuhona kumilwekacho enu ufuku uno. Oloze Nguli na... Talenu? Kaha echi chili chakutwalilaho, lwola lwosena, chuma chimwe chasolokele hanyima yachikwavo. Talenu? Echi chili kanda cheche kusoloka, mwomwo chize chapwile MWANAMBE MWATA.

⁹⁹ Enu vosena hano, lwola sauzandi na jisauzandi ha tepu, angwivwile yami kwimana kaha ngwenyi, “MWANAMBE MWATA, echi nachikapwa *mungaji* na *mukananga*.” Kaha chipwetuhu mumapapilo amijimbu na mangajini atela kwambulula ngana nge ngocho. Vakiko vanahono kutachikiza chuma chili ngachilihi, oloze vanachimono echi. Vakiko vanatachikiza chilichuma muka, oloze vanachimono, kulingisa Lizu kupwa vene muchano.

¹⁰⁰ Etu twapwile nakutwama hano haze ha kalwiji, uze Kangelo ka Mwata ejile lize likumbi, myaka seti sili kunyima, mokomoko 1933 chapwile, ejile nakuhanjika vyuma vize Ikiye alingile. Alovokele ayile, kaha malunga vemanyine kuze kungenge, ngwavo, “Chize chuma chalumbunukila mulihi, Billy?”

¹⁰¹ Ngwambile ngwami, “Chize kachapwile chamiko; chize chayenu. Ngwafwelela; enu kamweshi.” Kaha atwalileho kutambuka nakuya.

¹⁰² Kahajino kafunga ahanjikile kuli yami, ikiye ngwenyi, “Ove ngwove chize, na shikola ya mango seveni, nauya nakujinguluka

kaye kosena na kulombelela va twamina ja mafuchi nava twamina vangolo nava myangana na vyuma? Kaha, mamalelo,” ngwove, “vulyama Echi!”

¹⁰³ Kangwawashile kuvulyama Echi, Echi vachitotelele ha muchima wami. Jino hano, hakukuma chamyaka seti sili, vyuma vyosena Ikiye ambile vyasolokele mwakukupuka mujila Ikiye ambile ngwenyi Ikiye omu nachipwa echi. Ikiye Kalunga kaha kahonako. Ikiye lwola lwosena alama Lizu Lyenyi. Ikiye... Kanda kukakasana Echi.

¹⁰⁴ Jino, tachikizenu, ikiye ayile na kwala cha Kalunga (kutachikizaho lyehi), kusanyika cha Kalunga, na Lizu lya Kalunga, kaha ayile shimbu kanda changa chiputuke.

Jino, etu tunejiva ngwetu kusopesa chili chakulizanga kuveta.

¹⁰⁵ Kwimana ha pili lize kumbi, Ndumbu walunga Banks Wood nemana hano, etu twapwile nakutambuka ha pili. Pamo Nguhilukileho cheka, mangana chitunge lufwelelo lweni lwakulombelelaho muli ou mukana uze nautondewa kuzachiwa teni, fifitini minyutu. Ngwapwile nakutambuka kaha halutwe na Ndumbu walunga Banks. Ikiye apwile... Ngwashingtonyeka ikiye asele Ndumbu wapwevo Ruby omwo ikiye apwile na kuviza. Kaha ikiye kwiza munyima yami, Ngwamwene kumeso eyi, kuchila. Ngwatalile kunyima. Ngwashingtonyewekele nge ize pili yapwile yayikalu chindende mangana ikiye akeke, shikaho Kangwawashile kukehesako. Muze vene mumakango, hazevene ha pili *ngana*, kuze vene Vangelo ja Mwata vasolokele. Twapwile nakuheta kuze vene twailenga, kuze Vakiko vasolokele mutukweji vavandende shimbu kanda chize.

¹⁰⁶ Kaha omu Ngwaile hakukanduka ha pili, Shipilitu ya Kalunga... Omwo ngwalumukile, kutala helu lya pili, Ikiye ngwenyi, “Mbata lize lilolwa, amba kuli ikiye, ‘MWANAMBE MWATA, ove naumona Upahu wa Kalunga mujiola jajindende najiza.’”

¹⁰⁷ Ngwambachile kaha lilwolwa, kaha ngwami, “Ndumbu walunga Banks, Ngunahono kutachikiza mwomwoika,” kumbila lize mupeho, kaha Ngwambile ngwami, “MWANAMBE MWATA, ove nauya nakumona Upahu wa Kalunga.”

Ikiye ngwenyi, “Chize china lumbununa Ruby?”

¹⁰⁸ Ngwambile ngwami, “Nduma, Kangwa shinganyewekele nge echi chili na vyuma nayove, Banks mokomoko Ruby, hakachi kenu. Ngwashingtonyeka kaha Echi chapwanga kuhanjika kaha, ‘MWANAMBE MWATA, chuma chimwe nachiya nakusoloka.’”

¹⁰⁹ Kaha chimene chikwavo omu etu twemanyine kuze, malunga vavavulu, Kangwatachikijile vangahi vanatwame hano jino, vapwile twolufu mokomoko fwotini, fifitini etu twatwame kuze. Kukasumuka kaha, mukakuzata atambukile nakwiza kuli

yami kaha ikiye ngwenyi, “Ndumbu walunga Branham,” ikiye ngwenyi, “lijina lyami yami *Munganji mukananga*.” Ngwenyi, “Ngwapwile umwe wavaze vambwembwa vamu California.”

¹¹⁰ Ngwambile ngwami, “Ngunawahilila kulihumangana nove, mwane.” Douglas McHughes. Ikiye ngwenyi, “Yami . . .” Ngwambile ngwami, “Yami ngunawahilila kukuhumangana.” Twalimenekele mumavoko naikiye.

¹¹¹ Ikiye ngwenyi, “Chamwaza, jino, Ngwakutonda kukuhula ove chihula.” Ngwenyi. . . Roy Roberson, uze wakufwelela wa hano; Ndumbu walunga Wood, Terry na Billy, kaha, mamalelo, Ndumbu walunga Mc Anally, kaha Ngunahono kutachikiza veyva vosena vemanjine kuze. Kaha Ngwa. . . Ikiye ngwenyi, “Ngwakutonda kukuhula ove chuma chimwe.” Ikiye ngwenyi, “Kumana Mwata akuhanaho lyehi vimweno mujila kana eyi?”

¹¹² Ngwambile ngwami, “Eyo, ndumbu walunga, oloze Ngwejikwizanga kuno mangana kachi ngusosoloke kufuma kuli chize, kunokako.”

Kaha Ngwatalile nakujinguluka *ngana*, kaha Ngwamwene ndotolo wakuhima na kutala hali ikiye, ngwenyi, “Mukakunangula. McHughes, ou musongo uli muliso lyove naulingisa liso lyove kufuma. Ngunakukunga ove mummyaka yivali, kaha Kangweshi navya kulinga chekako.”

Kaha ngwalumukile kuli ikiye. Ngwambile ngwami, “Chize wanguhulanga yami chaka, ndotolo yove akulwekele, likumbi likwavo, ‘Uze musongo wapwile muliso lyove.’” Echi chapwile mukachi kalikumbi, lwola lwakuheta ku leveni, kaha ikiye avwalile vivanjilo hameso vyamusana. Ngwambile ngwami, “Mulonga wa; mwomwo ove kaweshi nakuwawwala mwomwo ya musana, echi chilimwomwo ya liso lyove. Ikiye akulwekele ove ove ‘nauya nakujimbalisa olyo liso.’”

Kaha aputukile kulila, ngwenyi, “Chize chakwoloka.”

¹¹³ Ngwalumukile nakwenda cheka, ngwapwile na fwosholo mulivoko. Kaha Ngwatalile; Ngwamumwene ikiye kwimana kuze nakutala hali yami, meso eyi zwalala kaha. Ngwambile ngwami, “Oloze MWANAMBE MWATA, ove kaweshi kuya nakujimbalisa olyo liso.” Ngwapwile nenyi na muunyangamwe ikiye hanyima tuhu, ikiye nahase kumona kanawa kuhambakana kala muthu mulikungumbuwa. Ikiye kanda lyehi. . .

¹¹⁴ Kaha ngwamwene pwevo wamukulwane kukoka masokishi enyi nakukandula chifunga chenye helu. Ikiye ngwenyi, “Mwana walunga, kachi ove mumona Ndumbu walunga Branham, mulweke angulombebele chipundo chami.” Kaha Ngwatalileho haze, kaha chindende. . . kusoloka nge ufwa unasoko hachipundo chenye, chosena.

115 Ngwambile ngwami, “Mama yove apwa pwevo ukwechi mutwe wawele. ‘Mwanami walunga,’ ove unamono. Ikiye akulwezanga shimbu kanda wizenga, kachi naungumona yami, ngumulombelele ikiye chipundo chenye. Ikiye alina na maufwa amandende, nge, kusoka ha chipundo chosena.” Ikiye atondele nakulezumuka.

Ngwenyi, “Echi muchano.”

Ngwambile ngwami, “Kamulweke kanda mwakalizakamina. Chize nachipwa kanawa.”

116 Ngwaputukile kutambuka nakujinguluka. Kahajino ngwevwile Lizu Iya Kalunga kuhanjika, ngwenyi, “Fuma mujila, washiwashi.”

Roy Roberson nemana haze, kumwijiva apwile vavene vamujita, Ngwahakile livoko Iyami hachifwiji chenye, Ngwambile ngwami, “Ndumbu walunga Roy, swama, washi washi nge omu nauhashila!”

Ngwenyi, “Ukalu ulihali?”

Ngwambile ngwami, “Fuma mujila! Swama!”

117 Kaha ngwaputukile kwenda nakujinguluka, kuhaka fwosholo yami hamavu, kwalumuka, ngwafumishile litepa Iyami. Kaha kutala Ikiye ou mweza, Upahu wa Kalunga kuholoka mukakundukundu uze apulile chihanda chapili nge ngachize, kaha chavumine na kunyikisa chihela ngachize, kuvatula chihanda chamusenge; pamo sili mokomoko fwo, faifi fiti helu Iya mutwe wami. Chakindulukile cheka helu nge kalitepa ngachize; Chize chavumine cheka. Kaha, kutala Echi nachiza, kapapa katatu.

118 Kahajino omwo chayile Chize, kapapa kamuchitatu, Ndumbu walunga Banks ejile, ngwenyi, “Chize chikiko wapwanga nakuhanjika?”

Ngwambile ngwami, “Eyo.”

Ngwenyi, “Chuma muka?”

119 Ngwambile ngwami, “Kalunga nasoloka mukakundukundu.” Ngunahono kutachikiza nge Ikiye atondanga yami ngulweke vathu mokomoko chiku.

120 Kahajino Ngwatwalileho kuya kaha ngwalombele chindende. Kahajino Ikiye angulwekele yami Nguvalweke vakiko. Ngwambile ngwami, “Echi chili kusopesa ku Kungenge ya Mulauko.” Tala hali ikiye lelo! Tala chuma chasolokele jiola jajindende kufuma haze: Alaska ya jiminyine. Kaha jino chosena chili nakujiminyina. Etu tuli na kwingila mukusopesa. Keke vanayikene.

121 Oloze kusakwilila Kalunga, etu tukwechi Chakulya cha kusweka, Chakulya chaku shipilitu, chize etu tulina kuyoyela hakuwaha na ha keke ya kusoloka cha Yesu Kulishitu mu

makumbi akumakumishilo, kulinjikiza Lyavene hakachi kavathu Jenyi. Amena! Vakiko vengilile. Elija engilile shimbu kanda changa chiputuke. Kusakwilila Kalunga kupwako shimbu kanda kusopesa chiputuke. Jino luno lwola lwa kulovoka na kwingila, kulovoka muaze mazavu na kwingila muli Kulishitu, kwiza nakulovoka mu lwola lwa vakakufwelela vamuchano.

¹²² Kahajino ikiye apwile wa kusanyika, kaha atwamine kuze. Anukenu, ikiye kasele uze mwana kalwiji ko palanga nomu Kalunga amusanyikile ikiye.

¹²³ Kaha hakukuma cha changa, Ikiye amusanyikile kufuma muze, nakumtwala kuzuvo ya tuliwe. Tachikizenu, Ikiye vamusanyikilile kuli uze tuliwe. Kaha uze tuliwe apwile wakuhona kulipandama na vakakuzeneka kufwelela; kutambula lusona lwachisuma mulwola lwa changa. Shikaho Ikiye amusanyikile kuli ikiye naku. . . kusanyika Elija akayoyese ou tuliwe. Vakiko vapwile kaha nakachindanda kambolo kakandende kamwe kaha, kukachuma kamwe kakandende ikiye akwachililileko. Kaha Elija ngwenyi, “Nguhaneko yami, chatete. Mwomwo, MWANAMBE MWATA, muze mumbango yove kamweshi kukapwa mwamupolongwa chipwe mumulondo kukapwa mwakuma chau, palanga naku lize likumbi Mwata Kalunga mwakatuma vula hamavu.” Kuhaka Kalunga chatete, Lizu Lyenyi chatete!

¹²⁴ Tachikizenu, muze mumbango mwapwile unga. Lwola lwosena ikiye ayilengamo, muze mumbango mwapwilenga unga. Muze mumulondo mwapwilenga maji, lwola lwosena ayilengamo. Mwomwoika? Unga wemanyinyinengako Kulishitu mu unga wamulambu. Ize misomo watela kuyihaka vene kanawa, mangana yichike umwe naumwe. Kala musomo wa ou unga watela kupwa chochimwe, kusolola ngana nge Ikiye ali youmwe zau, na lelo, na haya mwaka. Lize lyapwile Lizu, ize Mbolo ya Kuyoya yili na kukavangiza mujimbu, mangana kwinjikiza Lizu.

¹²⁵ Shikaho mukiko chili na lelo, masepa. Shikaho mukiko chili na lelo, ize Mbolo ya Kuyoya ize valilenga vana, yeji kukavangiza Mujimbu wa Kalunga, kuvayoyesa shimbu ya lwola lwa changa. Nachipwa ngachilihi kachi Ikiye emananga kumeso etu lelo? Nachipwa ngachilihi kachi emananga kumeso etu hano vene? Ikiye mwalinga mwomumwe nakulinga vene nge omu Ikiye alingile mu makumbi omwo Ikiye apwile mumujimba hano ha mavu. Uze Mwenga apwa chihanda cha Lunga lyenyi, lize Liuka lili chochimwe na Kulishitu. “Ize milimo ize Ngweji kulinganga ikiko namukalinga nayenu nawa.” Kaha lili Lizu likiko lize lyeji kulinganga chize. Ikiye atulwezele etu nge vyuma vize Ikiye alingile vikiko etu natuhasa kulinga nawa.

¹²⁶ Etu tutachikizenu hano cheka, kachi Lizu lili muli etu kaha neza kuli yetu, nge Omu alingile kuli Elija mu likumbi lize, Eli

nachilinga chuma chochimwe chize ikiye alingile, ikiye mwalya ha Vyuma vyakuswama vya Kalunga vize vya kuswama kufuma kukaye. Mamalelo! Cheka, echi chalingisa Mujimbu na muluwa kupwa umwe. Chize Chakulya cha shipilitu chili chakulizanga, kaha Echi chili muli yino ngonde jino. Kaha wosena wayenu nahase kupwa nechchi Chakulya kachi unazange Echi, kachi ove uli nakufwila kwivwa na kufuma kuvyakuzeneka kufwelela vya ola yino, kachi unalizange kwiza kuli Kulishitu, twaya mu lushiko Lwenyi.

Kaha anukenu lushiko Lwenyi, mu Malaki 4, Luka 17:30, cheka na muli Mukakujila Yowano 14:12, kaha na Visoneka vyavivulu, kwambulula, Yowele 2:38, kaha na vyosena Ikiye mwahasa kulinga, mokomoko 2:28, namukiko nawa, chuma mwakalinga mu makumbi akumakumishilo. Kaha omu kapolofweto ambile chize nge nakukapwa Kumunyika mu makumbi akumakumishilo, omu Echi nachika zata, chuma muka Echi nachilinga, Visoneka vyosena vili na kwinyika ku makumbi akumakumishilo. Kaha uze ikiye Kulishitu! Kachi ove nauswama muli Chize jino, mu Chihela chakuswama, ove unahase kulya na kumona kuwaha na keke ya Kalunga. Kachi ove unavinji, kuli kukuka kuze.

¹²⁷ Ove anuka omwo Elisha, halutwe, hanasanyika . . . Hanyima ya unga wamulambu uze apwile nawo, Kulishitu, Kaha na yoyesa vaze vakuzuvo ya tuliwe Nawo. Tachikizenu halutwe omwo ikiye asanyikile kakahya kusuluka kufuma mumumelu, na vyangocho, na kwinjikiza kutuma chenyi, cha Kalunga, Shipilitu ya kapolofweto.

¹²⁸ Tachikizenu muze mumakango, omwo ikiye apwile nasavala mwishi ya mutondo wa munjunyipe, Kangelo ejile asulikile na chuma chakufwana na unga woumwe, kaha kwocha jimbolo na kumulisa. Kaha chindende halutwe ikiye amuhakile mukusavala cheka, na kumuhindula, kaha ikiye apwile na unga ukwavo wa jimbolo kaha kumwochela cheka ikiye. Kaha ikiye ayile mungolo ja jize jimbolo makumbi fwote. Upahu kuli Kalunga! Ikiye youmwe zau, lelo, na haya myaka. Mamalelo, omwo twamuzanga Ikiye, Chakulya chaku shipilitu Echi cha mungonde!

¹²⁹ “Kacheshi cha mwaza kumbata mbolo ya vana na kuhana kuli va tuwa.” Keshi Yesu ahanjikile kuli uze pwevo waku Sulofwenyisha? Ikiye vamutumine kuli Venyi Ivene. Chize chakwoloka. Kaha kuliuze kukiko Ikiye ejilile . . . Ikiye kayile kuli va kamafuchi eka naeka ko.

¹³⁰ Kaha jino lelo Ikiye alinakutambukila va Kamafuchi eka naeka mulwola lwavo, kaha echi kacheshi kuliwanako . . .

¹³¹ Enu ngwenu, “Mwomwoika ou Mujimbu kawaya kanawa muvihela vyavinene, kupwa na kutangisa chachinene, nge omu chapwa muvikungulwilo?”

¹³² Echi keshi Chakulya chavoko. Keshi liuka ko, lyeji kusanyikanga, Chakulya. Chili Chakulya cha Mwenga. Chili Chakulya chamushipilitu cha mungonde. Vakiko nachivalingisa kuviza mu majimo avo. Chili naumbonga wamwaza chikuma kulivakiko. Talenu? Talenu? Ove—ove—ove kaweshi kuchilingako echi. Oloze, cha vana, Yili Mbolo, Chili Kuyoya, Ali Yesu Kulishitu yolumwe zau, lelo, na haya myaka.

¹³³ Etu tuli nakuya nakushimbula kachi katweshi kuputuka kulombelela mukana jino, shikaho echenu tunongame mitwe kaha katando kakandende.

¹³⁴ Kalunga Wamwaza, Chakulya cha mungonde, Chakulya chakushipilitu. Chumachimwe chize kaye kanahono kutachikizaho nachuma chimwe pimbi. Omwo tweji kwivwanga Mwata ngwenyi uze ufuku, mokomoko lize likumbi kuze ku Samaliya, chihela chochimwe chize Elisha atambukile kaha ngwenyi, “Mwowmoika, lyume kalyeshi kuhasa kuholokako palanga Nangukanyisanyika.” Hano Yesu emanyine kuze kulweza tumbaji Twenyi.

Ngwenyi, “Kaka, mwomwoika Ove unahonena kulya?”

Ikiye ngwenyi, “Ngukwechi Chakulya chize enu munahono kutachikiza.”

¹³⁵ Muchano vene, Mwata, Chakulya Chenyi chapwile kulinga mwaya muchima wa Kalunga, kumona milimo ya Kalunga kusoloka mu ola Yenya. Ikiye apwile nakumona ngana nge chinalingiwa. “Kangwalinga nachimwe pimbi kuvangila Tata Yami nangusolwelacho Yami chatete. Chuma ocho Tata mwangusolwelacho Yami, chikiko Nangulinga.”

¹³⁶ Kaha, Tata, shikaho mukiko chili nalelo. Lize Liuka, uze mukakufwelela wa muchano, Mujimba wavakakufwelela, uli nalusesa ku Chakulya, Chakulya chamushipilitu, chize vamuchivulu vanahono kutachikiza. Kaye kanahono kutachikiza echi Chakulya, Tata. Oloze Liuka Lyove, vatu Vove, Mwenga wa Mwa Nove, azanga Echi.

¹³⁷ Etu tuli na lusesa kukuhinduka cha mijimba yetu omwo va ndotolo vanahono. Etu tuli nalusesa kuli echi. Chili Chakulya chimwe cha Kalunga, chize Ikiye ahanyine ku Liuka Lyenyi, kaha echi ashikile ku makumbi akumakumishilo kuli vana Venyi vakufwelela. Tata, tukafweko etu kupwa vana vakufwelela, mwomwo vyuma vyosena vinapu vya vyashi kuli vakakufwelela. Tuhenecho echi, Kalunga wa Mwaza. Etu twachihulu echi mu Lijina Iya Yesu. Amena.

¹³⁸ Ngwafwelela Billy angulwekele yami ngana vakiko vanahane makati akulombela. Kachi umwe mwangulweka yami lusona luli ha kati ya kulombela, ocho kaha chikiko Nguli nakutonda. [Umwe ngwenyi, “C.”—Muka.] C, chosena chakwoloka, echenu tumbate C, umwe, hikuputukako, palanga nomu Nanguputukako mukana wetu. Talenu, jino, vakiko

pamo vanahase kukuma. Jino, kachi vosena... Chamwaza, talenu, Yami nanguya nakweseka echi. Ngunahono kutachikiza nge etu natuhase mokomoko chiku. Mokomoko chipwe etu natupwa nakusanyika mukana; enu twamenu kaha kulu. Echi kacheshi chuma kuli yami. Kachi enu namwiza hano ha kamenga, mokomoko nakupwa kusanyika mukana, echi keshi chumako, kala jila. Yami nguna kundamina pundu hali Shipilitu Wajila. Yami ngunakundamina hali Ikiye kulinga Lizu lize Ngunanangula.

¹³⁹ Ndumbu walunga George Wright, Ngwafwelela Echi. Hakupwa kanyike walunga wamundende, kwiza kuzuvo yove myaka yayivulu kunyima, ivwililenu kuli chambamba wa mwaka natwame hamutondo, Ngwafwelela uze Mujimbu woumwe. Ngwafwelela Echi chili chochimwe.

¹⁴⁰ Chosena chakwoloka, Ngwamono vali nakulishindakanya kupwa mumukana. Chosena chakwoloka, kati ya kulombela C, nambala wani, tu, sili, fwo, faifi, twayenu chatete na kwimana kuno. Kachi nge munahono kwiza hano, kachi namuzundula mavoko enu, vamwe naveza kumihaka kanawa. [Muthu umwe kuhanjika kuli Ndumbu walunga Branham—Muka.] Chuma muka Echi? Yaah. Hu-uu. Kati ya kulombela C, wani, tu, sili, fwo, faifi. Kaha jino tachikezenu, enu kamweshi nama kati akulombela... .

¹⁴¹ Jino, Kanda lyehi ngupwenga na mukana wa kulombela wakufwana ngana wausuku, lwola lwakunyima. Vangahi vavavulu navanuka kutuma chami omwo etu twatungile eyi mbalaka hano? Ngwenyi, “Zata mulimo wa mukakwambulula mujimbu.” Kangwahanjikile ngwami Kangwapwile ngu mukakwambulula mujimbu wamwaza. Ngwenyi, “Zata mulimo wa mukakwambulula,” talenu, “mwomwo ola naikeza omwo chize nachikalumuka.” Ize ola yili nakwiza. Chosena chakwoloka. Jino, muli echi, Ikiye... .

¹⁴² Enu kamweshi kufutula tu mokomoko sili vakakuzata vakuhandunuka hamwe, kafunga na mukakwambulula mujimbu wamwaza, lwola lwolumwe. Ove kaweshi kupwa—kapolofweto na pamo kafunga, ha lwola lwolumwe, talenu, ’mwomwo enu muli na milimo, milimo yakuhandunuka.

¹⁴³ Oloze Mwata anguhanyine yami chuma Ngwatela kulinga mu Mujimbu wami. Oloze jinonyi Ikiye ngwenyi, “Zata mulimo wa mukakwambulula mujimbu wa mwaza, yinjikiza mukuzalilila mulimo wove, mwomwo ola naikeza omwo vakiko navakahona kwivwulila Kukunangula chachikangule.” Kachi chize kanda chize jino! Mauka osena avikungulwilo anangukane yami. Vakiko kavate kwivwilila Kunangula chachikangule. “Oloze mwomwo ya lwisu lwavo vavene vakiko navaka neha vakakuvanangula vavene, kaha vakiko navakalumuna kupwa vishimo. Kaha vakiko navakalinga vyuma vyavinene vya lwenyeka vahashile va Yambele na Yane kwimanyina Mose

nakole, oloze uleya wavo nausoloka,” Talenu? Talenu? Chosena chakwoloka, vakakulifwanyisa! Enu mwamono Yambele. . .

¹⁴⁴ Kaha, Kalunga wa Mwilu natachikiza, omwo twapwile nakuhaka lilolwa lya Mumbango-. . .(ya yize mbalaka). . .-lilolwa kufuma 1933, kusoneka hali papilo lya Mbimbiliya, ize yili haze. Tala omu vakiko vanachilingi echi. Tala chuma nachizaho. Kulifwanyisa, mukiko vene. Ngwenyi, “Vechenu ukawavo, uleya wavo naukasoloka mujila yoyimwe ngemwa Yambele na Yane vapwile.” Hano tuli muli lize likumbi.

¹⁴⁵ Ngwamwene lize liuka jino omwo twalilenga lilolwa lya mumbango, vathu kwimana mwakwalila chihela na kujinguluka, kwimana nakujinguluka jimbango ja mbalaka. Talenu jino. Vakiko ngwavo, omwo naikatuka helu, vathu vamumbongi hano, ngwenyi, “Mukachi katukweji vasikisi. . .” Etu na wani ndola na jisenti eyiti kutunga mbalaka, vase vathu vapwile najizuvo mwakuwahishila jimotoka valizangile ngwavo nayiya nakupwa zuvo yaku wahishila jimotoka. Oloze yili lika mwakutwama mikoko Mikoko ja Kalunga.

¹⁴⁶ Wani, tu, sili, faifi, sikisi, seveni, eyiti, nayini, teni. C, sikisi, seveni, eyiti, nayini, teni. Chosena chakwoloka.

¹⁴⁷ Jino, “Yami Mwata ngwatumbile echi, Nangutukumwina meya musana na ufuku kakweshi umwe mwavavunya kufuma muli voko Lyami ko.” Tala kusekeleka! Nduma kakweshi chikungulwilo vanahase kulinga Echi. Kakweshi mauka nge Aze muno mulifuchi kuno. Kakweshi Pendekosita mulifuchi, kakweshi chuma nachiyoyesa Echi. Wosena vemanyina nakole kujimika cha mumeya, wosena vemanyina nakole vyuma vyeka. Chipwetuthu kuchisaka chami, tata yami angufumishile kuchikolo, Ngwambachilenga vyakuvwala vyami muli jeke yalipapilo kaha kuya na kuyoyela ku New Albany. Chakwoloka.

Oloze kuhita muponde, mumaukalu na
mimiheto,
Yami nguneza lyehi;
Chili likoji lize lyangunehele yami kanawa
kufuma kuze,

Nguli fifite sikisi mumyaka yakukula, kaha Ngwatela kuya kusali yakalwiji.

Likoji nalingutwala kuze.

Omwo Ngwapwile myaka teni sauzande kuze,
Kumunyika nge likumbi;
Katweshi kukapwa na makumbi amavulu
akwimbila Kalunga mwakumwalisa
Kuhambakana omwo etu twaputukile chatete.

Mamalelo, omu Ngwamuzanga Yesu! Ikiye kaye kosena kuli yami!

148 Mamalelo, chosena chakwoloka, vangahi vavavulu Ngwalinganga . . . Kulihize Ngwasele, teni? Echenu etu tumbate vakwavo? Chosena chakwoloka. Chuma muka chize, teni, fifitini? Chosena chakwoloka. C, teni naku fifitini, kwosena okwo uli, kachi ove nawimana na kwingila. Kwamba ngwove? Huu? Chosena chakwoloka. C, fifitini kutwala ku twende, kahajino. Echenu ize yipwenga C, fifitini kutwala ku kutwende. Chize nachipwa vathu teni. Etu twamono . . . Mwamono uze mukana unema kuze, etu katweshi kumbata—kuvalingisa kulilumbika. Kaha etu natulinga . . . Chosena chakwoloka.

149 Jino nguhane yami vishinganyeka vyenu vyakuzeneka kupangunuka; etu katweshi kushimbulako. Oloze, jino, mamalelo, ola yika, lwola muka! Ngwa—Ngwakutonda keshi vosena navamuzanga Mwata. Ngwa—Ngwakutonda keshi tuvosena natwiza nakuheta haseteko yakutachikiza kulema chayino muyutu. Echenu tweseke echi. Nguhanenu kaha yami kulyungumika chenu.

150 Chumamuka—chumamuka etu tuli nakutonda kulinga hano? Etu tuli nakweseka Lizu Iya Kalunga hacheseke. Elija alingile chuma chochimwe, atambukile hapili hanyima yakwijiva nge Kalunga amutumwa kulinga chize. Ikiye ngwenyi, “Jino echenu twinjikiza hiya Kalunga, echenu Kalunga mwakumbulula na Kahya ikiye Kalunga.”

151 Kaha vakamakombelo kuvatuka, mamalelo, ngwenyi, “Chamwaza, punduvene, nduma . . .” Vaze—vakamakombelo vejivile nge kakahya kakeshi kuholokako, shikaho vakiko vatambakanyine nakutwalilaho.

152 Oloze Elija atachikijile nakaya nakuholoka, ’mwomwo ikiye apwile na chimweno kufuma kuli Mwata.

Ove ngwavo, “Ikiye apwile na chimweno?”

153 Eyo, mwane! Omwo ikiye apwile ahakile vyosena muchiyulo, ikiye ngwenyi, “Mwata, Ngunalingi vyosena evi hakuhanjika Chove.” Kaha jino kakahya kaputukile kuholoka. Nge Lizu Kalunga vanalilame lyosena, kahajino chili kusekasana cha Kalunga chakulama vyosena. Ikiye akuhulile ove kuyihaka haze. Kaha kupwa wakukunyuka nge vakusanyika kuyihaka kuze. Talenu? Kaha kachi ove uli, Ikiye mwazakamina vyosena.

154 Jino, hano vathu navapwa na kwiza nakuhita muli ou mukana uze Nangulombelela . . . Jino, chamwaza, ove uli kaha hakamwihi na mbango jino, chosena chamwaza, kuputuka mukana. Jino, chatete, pamo kumwe hano mu zuvo, vathu vamwe . . .

Vangahi vali nakuviza kaha kaveshi na kati yakulombelela, katula livoko lyove. Talenu, ali kwosena. Jino, munejiva kechi Mwata wetu . . . Kaha Ngwafwelele Ikiye mwakalinga, kachi Ikiye youmwe zau, lelo, na hayamwaka. Ikiye mwalombelele eyi mikana. Vathu keshi naveza kuli Ikiye mumikana yayinene,

mayongomena, Ikiye avakwachile vakiko, nakuvakisula vakiko. Kahajino Ikiye emanyine lwola lumwe kaha ngwenyi, “Hiya nangukwate Yami?” Kutala nakujinguluka, amulwekele uze pwevo ovyo amukwachilile ikiye; kaha ngwenyi ukalu wa manyinga unayi, lufwelelo lunamulingisa ikiye kuyoya.

¹⁵⁵ Kachi nge ikiye alumukile na kwamba ngwenyi, “Chamwaza, Kangwatachikijile, Mwata, Ngwapwile nechi lwola lwalusuku?” Kachi kachasolokeleko. Nduma, kachi kachasolokeleko. Nduma.

¹⁵⁶ Kachi nge Ikiye alwekele uze pwevo waku sulofwenyisha, “Mwomwo ya eli lizu lize wahanjikanga, mwananove wapwevo, liyavolo namulovoka,” Ngachilihi nge nawamba ngwove, “Chamwaza, jino, Mwata, Ngwa—Ngwakutonda Ove kulinga *echi* mujila eyi?” Uze—liyavolo keshi hanga ali muli uze kanyike wa pwevo. Oloze ikiye atondele kuwana mwanananyi mujila Ikiye ashinganyekele kumuwana.

¹⁵⁷ Jino, Ikiye atulwekele etu, “Kachi ove naufwelelela! Kachi ove nawamba kuli eyi pili, ‘Tutuluka,’ kachi kaha nauhona kukakasana mumuchima wove, oloze mufwelela ngwove echi ngwahanjika nachisoloka, ove naupwanacho. Omwo naulomba, fwelela ngana nge nautambula, echi navakuhanacho ove.” Lushiko kana!

¹⁵⁸ Jino lunga ou eji kunangulanga mujimbu wachiseke kaha kafwelela chizeko. Ikiye mwatambuka nakuya kuchikolo, kutalamo, mokomoko kwimana haze, kaha ngwenyi, “Chamwaza, lizavu likwavo lya vakakujila vakulyalanga,” nakutambuka nakufumako. Talenu? Oloze ikiye katachikizako nge chize chinapu Chakulya chakuswama. Ikiye katachikiza nge echi chili Chuma chakuswama vanasweke kuli Ikiye. Ikiye kachitachikizako echi. Chili—chili—echi chakeke, vishinganyeka vyauselesele, vyakuvindama, kapuputa, kaha kachitachikijile echi. Talenu? Chize chili chuma chachipi.

¹⁵⁹ Ove Kalunga, echenu yami ngufwenga chatete, oloze kanda ungumbata yami nganako. Chamwaza ngufwenga (eyo, mwane) kuhambakana kulinga chize. Ngwafwelela etu tuvosenana tunahase, katweshi kuhasako? [Chikungulwilo ngwacho, “Amena.”—Muka.]

¹⁶⁰ Oloze, jino, Kalunga natushiki vyuma evi mumakumbi akumakumishilo. Mu Malaki 4, kuhanjika nge Yesu Kulishitu mwakasuluka nakulifwanyisa Ivane mumujimba wanyama nge omu alingile museteko ya Satome. Chize chakwoloka. Kaha ngwenyi kaye nakakapwa museteko ya Satome. Kaha ngwenyi, “Nge omu chapwilenga, Mwana muthu navakamusolola mulikumbi lize.” Talenu, uze Lunga asulukile muchifwanyisa cha muthu, uze apwile “Elohim,” kuli Apalahama, shimbu kanda ou mwana walushiko kanda ezenga. Tala omwo chapwilenga, Apalahama ngwenyi chapwile Kalunga. Kaha Mbimbiliya

ngwayo kwapwile malunga watatu kwiza kuli ikiye, nalukungu hauvwalo wavo, kutambuka, kutwama na kulya nge vathu. Kaha Yesu ngwenyi, “Hazevene halwola kaye nakaheta museteko ya Satome, jinonyi Mwana muthu mwalisolola Ivene cheka.” Keshi Mwana Kalunga ko, Mwana muthu, talenu, mwalisolola Ivene.

¹⁶¹ Jino talisenu chize na chize ahanjikile kapolofweto wakumakumishilo, “Talenu, Nangukamitumina kapolofweto Elija, kaha ikiye mwakahilwisa cheka—cheka michima yavana kuli masevo.” Talenu? Uze Mujimbu wakuvakindulwisa mu Mbimbiliya, kaha Mwana muthu mwakalisolola Ivene mulikumbi lize. Kaha ha likumbi lize lya kuvuma chamakumishilo cha chisemunwino cha liuka lya kumakumishilo, uze kangelo wamuchi seveni, aze mangana akuswamana a Kalunga atela kuwejiva mulikumbi lize. Tuze Tutachikijilo twa Seveni twatela kuhokoka. Aze mangana akuswamana amauka osena na vyuma, nomu vyasolokele, nakumba- . . . omu, ocho chasolokele.

¹⁶² Talenu, vakiko kavatachikijile Echiko. Yesu ngwenyi, “Enu vafwaliseu vatupuputa!” Ngwenyi, “Kachi kapuputa mwatwaminyina kapuputa, keshi vosena navaholokela muwinako?” Talenu, Uze ukiko mulonga vase vathu valinakuhonena kumona Chize.

¹⁶³ Aze mangana akuswamana a Chechi, chili, tuze Tutachikijilo, aze mauka osena vatungile lizavu nakwingilamo muli chize, kaha chize chili chakuswama chimwe chinapunga chakuhenga kumeso a Kalunga. Enu mwachimono echi, Ndotolo Lee? Talenu, tala. Echi chili. Chize chikiko chuma chili kuze. Chize chikiko chimwe chakuswama. Vakiko valivwasanyine kaha, talenu, kaha chapwile chosena chakufuma mupunga ya Kalunga. Kaha chize navakachisolola mumakumbi akumakumishilo, na kutwaminyina vathu, keshi kukunangula chavathu mokomoko nge chikungulwilo, oloze kukinduluka ku Lizu lya muchano. Kaha Lizu lya muchano nalikeza ku lizavu lya vathu vamwe, kaha Mwana muthu mwakalisolola Ivene mukachi kavo, “uze youmwe zau, lelo, na hayamwaka.”

¹⁶⁴ Mamalelo, yami! Mamalelo, Ngwazanga chize. Ngwazanga—Ngwazanga kukoka hali Ikiye. Ngwazanga ku—kumulingisa Ikiye kupwa wamunene kumeso avathu. Kangwatela kumulingisa Ikiye kupwa wamunene; Ikiye apwa lyehi wamunene. Ikiye azezuka chikuma kaweshi kuhasa kuya helu hali Ikiye, wakukunama chikuma kaweshi kushikumuka mwishi ya Ikiye, wakutanduuka chikuma kaweshi kuhasa kumujinguluka Ikiye, oloze ove ukwechi kapete mumuchima wove ka Ikiye. Kaweshi kuhasa kumutambula Ikiye? Omwo awaha Mwata wetu! Chosena chakwoloka.

¹⁶⁵ Jino echenu tuholenu kulu, tuvoseni. Jino, etu tunahanjika hali Echi. Kaha jino chuma chivene echi, echi Chili muchano? Jino, kunahase kupwa vangeji muno. Ngunahase kwamba

ngwami kachi. . . kuli enu, kachi Yesu ali youmwe zau, lelo, nahaya myaka, kaha Ikiye mwalinga ika mu munyutu uno? Ikiye mwalinga chuma chochimwe chize Ikiye alingile omwo Ikiye alingile haze apwile hano. Echi chakwoloka? Lufwelelo lwa vathu kachi nalukwata kuchikuto Chenyi, kaha Ikiye mwalumuka. Ngemuze Ikiye alingile kuli uze pwevo halishima, kaha Ikiye achilingile nakuvihela vyeka, kaha Ikiye atachikijile navishinganyeka vyavo.

Jino, enu ngwenu, “Nahase Ikiye kunguka na yami?”

¹⁶⁶ Lizu Lyenyi ngwalyo Ikiye achilingile lyehi chize. Oloze chuma chivene echi, kulingisa Ivene kumwijiva nge Ikiye ali hano.

¹⁶⁷ Jino, kachi Ikiye alisolwele kuli etu mumujimba, asolokele ngevene muze wapwa *Mutwe wa Kulishitu ha Seti sili* wa Hofmann’s, na manyinga alinakuhita mumavoko Enyi, na vyangachize, na viveza kwosena hali Ikiye, Kangweshi kuhasa kuchitavila echi. Nduma, nduma. Nduma, nduma. Omwo Ikiye mwakeza, Ivene, “Liso lyosena nalikamumona Ikiye, kaha lilimi lyose nalikamwitavila Ikiye; kaha nge muveso kufuminyina ku Mututuko nakuya ku Mulauko, shikaho mukiko nachikapwa.” Talenu? Etu katwafwelela kulifukula chalizu na visemwa vyashikulu. Etu twafwelela Kalunga kupwa Lizu.

¹⁶⁸ Oloze Ikiye ejikulingisanga Ivene, kumbata mujimba wove na mujimba wami, nakukuhana ove mawana, nakuhana yami mawana, kaha kuhichila muli awa mawana himwalilingisa Ikiye kulisolola Ivene. Chize chikiko Chakulya chakusweka. Numbatuthu kapapakangahi Ikiye mwalilingisa Ivene kulisolola hali yami, enu mwatela kufwelela Echi, enu mwatela kupwa nawana wa lufwelelo, nawa, kuhasa kufwelela Echi. Enu mwafwelela chize? [Chikungulwilo ngwacho, “Amena.”—Muka.] Kaha jino kachi Ikiye mwalisolola Ivene muli eyi jila, enu namuya nakumufwelela Ikiye? [“Amena.”] Namuchima wove wosena, enu namuya nakumufwelela Ikiye? Mamalelo, omwo chawaha, kuvandamina hali Ikiye, kuvandamina kumona ovyo Ikiye mwahanjika.

¹⁶⁹ Hano hali muthu nemana hano. Kanda lyehi ngumumone ikiye muchiyoyelo chami, nge omu Ngwamwijiva. Kumutala wamwaza, wangolo, muthu wakulikangula, kaha ikiye vene, Ngwa—Ngwa—Ngwahono kutachikiza. Oloze ikiye nemana haze. Jino, Nanguya jino nakunangika mavoko hali uze lunga na kumulombelela ikiye, nakumuhula nge ikiye nahase kufwelela. Ikiye nemana hano nahase kungulweka yami, kuhanjika, “Ngwa—Ngwa—Ngwakitonda enu kulombelela *Mungaji mu Kananga*. Kaha Nguli na—Nguli na kukola chakufuma hakuholoka. Nguli na mutwe wakukola, waktwalilaho. Nguli najimbandu mujimo,” mokomoko chumachimwe. Ikiye—ikiye, Ngwahono kutachikiza. Ikiye nahase kuhanjika vyosena evi vyuma.

170 Nanguhanjika, “Chosena chakwoloka, mwane, ndumbu walunga. Nangunangika mavoko ami hali enu nakumi lombelela.” Chize nachipwa chakukupuka kaha chakwoloka. Chize chikikovene tunalinginga muvisemunwino vyosena tunahichinga. Echi chakwoloka?

171 Oloze, anukenu, Yesu ngwenyi echi nachikapwa chakuhandunuka halwola Lwakwiza Chenyi, ngemuze chapwile mumakumbi a Satome. Kaha uze Lunga ejile kufuma kwilu, apwile atalishile nyima Yenya kumbalaka kuze kwapwile Sala, kaha Ikiye ngwenyi, (keshi “Apalama,” jino) “Apalahama.”

172 Tala, ikiye apwile Apalama, shimbu kanda lize likumbi. Oloze ikiye alihumanganyine na chimweno, kaha Mwata amulwekele ikiye ngana, “Yami nanguya nakwalumuna lijina lyove.”

173 Kaha Mwata uno hano, Ivone, muchifwanyisa cha muthu, kulya na kunwa na ikiye. Ngwenyi, “Apalahama, pwevo lyove alikulihi, Salah?” S-a-l. . . a-h; keshi S-a-l-a.

Ikiye ngwenyi, “Ali mumbalaka, kunyima Yove.”

174 Ngwenyi, “Yami nanguya nakukumenekela ove, kutesa nalushiko lwami ngwashikile hanyima ya myaka twende faifi.”

175 Kaha Sala asehele mumuchima wenyi. Ikiye ngwenyi, “Sala kuseha muze mumbalaka haze vene, ngwenyi, ‘Echi nachipwa ngachilili?’” Huum. “Kuliko chuma chachikalulu na Kalunga?” Talenu? Chauchiko. Nduma, mwane.

176 Jino Ikiye ngwenyi, Yesu ashikile chize, “Ikiye, Mwana muthu,” ikiye Lizu, (enu mwafwelela chize?) “nge mwakeza kumakumbi akumakumishilo kaha mwakalisolola Ivone mulwola luze kaye nakakapwa nge Satome na Ngumola.” Enu mwafwelela chize kupwa chakwoloka?

177 Shimbu kanda tupwenga na lilombo limwe, vamwe okwo muli lombenu kaha mumone kachi Mwana muthu ali youmwe zau, lelo, nahaya myaka. Lombenu kaha kachi Ikiye ivone, hanjikenu, “Mwata, uze muthu kangwijava yamiko, oloze Ngwahono kutachikiza Ove yove uze youmwe zau, lelo, nahaya myaka,” talenu kachi Ikiye mwakulweka chize.

Eyo, mwane. Jino andula mutwe wove chindende kaha.

178 Echi kunyima yami. Ali kanyike. Ali nakuwema jino na mashika. Ali kanyike kapwevo. Ove wakufuma kusali ya mbaka. Ou mwana ali naukalu wakukola mujimo. Kaha chapwile. Ove fwelela kaha.

179 Jino, echi chikiko Ikiye ngwenyi Ikiye mwahasa kulinga? Kanda lyehi ngumumone uze muchiyoyelo chami. Kalunga wa Mwilu natachikiza chize.

180 Ou muthu hano, ikiye ali wakujikiza kaha wakulikangula. Oloze talenu uze muvimbimbi hali ikiye? Chize chalumunukila, kuvanga Kalunga amukafweko ikiye, ikiye

keshi kuya na kupwa hano na kushimbulako. Ikiye akwechi kansa. Eli mulihunyungu.

Jino, Mwana muthu ali hano.

Ikiye ali nachiteli ha muchima wenyi wa kanyike wamundende, mwana wamundende. Echi chakwoloka? Enu mufwelelenu Kalunga mwangulweka yami chuma muka chakuhenga nayou mwana? [Uze ndumbu walunga, “Ngunejiva Ikiye nahase.”—Muka.] Ikiye nahase. Ikiye alikaha nakamilima kakandende nge chakufwana nge shipilitu ya kutunya. Ikiye alikaha umwe neza kalinwaha. [“Echi chimene.”] Chize chakwoloka, echi chimene. Kaha enu mwafwelela enu namuya na kuyoya nakumukulisa ou kanyike, kaha ikiye nachipwa chakwoloka? [“Eyo.”]

¹⁸¹ Nyi Charlie Cox alikulihi? Ikiye alikulihi? Charlie, uli kulihi? Ngwashingtonyeka nge ikiye ali hano ufuku uno. Uli hano, Charlie. Gary, uli kulihi? Larry, ali hano? Ikiye kanyike wamundende na chuma chochimwe, chuma chochimwe. Uli kulihi, Larry? Twaya hano munyutu kaha. Chamwaza, ove uli hano. Ou kanyike wamundende hano ali nachuma chochimwe. Ise na naye masepa jami vamwaza. Myaka yakunyima Ngwapwile nakuya kuze, kaha ou wamundende kanyike mwambata pupila, kwilava kufuma na kujimbangana. Echi chapwile kutunwa. Ngwachikwachile hali ou kanyike walunga, kumulomba Kalunga kumuka ikiye. Ikiye kapwile naumwe kufuma haze. Uze ikiye ise; uze naye natwame haze kumwe; kaha kanyike walunga wamundende ou hano, ivene.

¹⁸² Jino enu mwafwelela, mwane? (Ngwakusakwilila ove, Larry.) Ove wafwelela, mwane? Echa Kalunga wa Mwilu ahane chuma chochimwe kuli ove, kaha ove kuyoya nakumukulisa ou mwana. Kalunga amikisule enu.

Echenu tulombenu.

¹⁸³ Kalunga Wamwaza, ngukafweko yami. Ngwalombo ngana keke Yove na likoji hali ikiye na amukisule ikiye. Mu Lijina Yesu.

¹⁸⁴ Yako ku Louisiana, kuwahilila, Kalunga vamwalise hali ikiye.

¹⁸⁵ Mamalelo, yaa, ikiye apwile wakufuma ku Louisiana, pundu vene, kungalila ya Chijiva cha Charles. Chakwoloka. Talenu, Ngwahase kukwata vishinganyeka vyenu jino. Kalunga Vamwalise!

¹⁸⁶ Chamwaza, enu muli kulombela ha—ha chuma chamwaza, unazange kupwa na kema. Watwama lyehi na vana, vana vavavulu, oloze muli nakutonda mukwavo umwe. Echa Kalunga wa Mwilu akuhaneyo, ndumbwami wapwevo. Twaya hano, Ngwatondo kaha kunangika mavoko.

¹⁸⁷ Kalunga Wamwaza, hana ou pwevo kufwila chamuchima wenyi, mwomwo chatela. Mu Lijina lya Yesu. Amena.

Jino yako ukapwe na mwana.

¹⁸⁸ Kalunga apwa Kalunga wamwaza. Enu mwafwelela chize? [Chikungulwilo ngwacho, "Amena."—Muka.] Ikiye atachikiza vyosena etu tuli nakutonda. Ikiye mukakutuhana vyosena etu tuli nakutonda kachi twavifwelela. Ikiye ngwenyi, "Kachi enu namufwelela!"

¹⁸⁹ Ngwakumenekele mulivoko kumwe. Ngunahono kwanuka kulihize, oloze kumwe Ngwakumenekele mulivoko. Ngwahono kaha kwanuka chikupu, oloze etu twapwile kumwe, lelo kumwe, oloze Ngwahono kutachikiza kulihize. Oloze keshi nge kumweko, etu tulihano kuhanjika hali echi. Ove uli hano kuhanjika hali echi, mokomoko kulomba, mwakutonda yami kulombelela muthu umwe. Chize chakwoloka. Ikiye keshi hanoko. Ikiye ali ku Georgia, naviji. Keshi naviji kahako, kumujimba, oloze naviji kushipilitu; musonyove. Ove wafwelela Kalunga ikiye mwazakamina evi mwomwo ove wamwimanyinako ikiye? Ove mulinga? Twaya hano kaha echa tulombe hamwe.

¹⁹⁰ Kalunga Wamwaza, hana ou lunga kufwila chamuchima wenyi, mangana ikiye ayenga na kuwana ou muthu ali nakulila kuli Kalunga. Mu Lijina lya Yesu Ngwalombo echi. Amena.

Kalunga akukisule. Kanda kukasana. Fwelela namuchima wove wosena.

¹⁹¹ Shangwenu mwane? Echi kachapwile nge Ngunahono kwolola livoko nakumeneka livoko lyove nakuhona kukumeneka, omwo wololanga livoko lyove, Ngwapwanga nakumona chuma chimwe. Echi chapwanga muvwimbimbi, wilava wi. Ukiko mulonga. Ngunejiva Ngwakwatanga livoko lyove, Ngwachiwanaga vene ngana, talenu. Oloze ili kasha. Ove wafwelela ngana nge Kalunga nahase kuyifumisa? Ili hali vele lyove, lya kuchimoswe. Ove unakutonda kukinduluka ku Carolina na kumwalisa Mwata ha kupwa kanawa, keshi ngochoko? Talenu omu Ngwatwale? Echeni tulombenu.

¹⁹² Kalunga Wamwaza, mu Lijina lya Yesu Kulishitu, uze Umwe Aliko jino; vaze vana vali na kulya Mbolo ya Kalunga, echa ou mwana naikiye awahilile na lufwelelo, ize Mbolo ya Kalunga ize Ikiye mwamuhana hanovene ya kuka. Echa ayenga alikanawa, mu Lijina lya Yesu. Amena.

Kalunga akukisule, ndumbu walunga. Fwelela na muchima wove wosena.

Shangwenu mwane?

¹⁹³ Elu keshi lwola lwamwazako? Kusoloka kaha nge chiwomawoma chinatwame hali vathu. Mokomoko, echi chili nakwivakana nge, matwitwi ami, nge chuma chimwe chili nakuya, "Whoo!" Chili kaha nakuneha vwema, nge, "Whoo," nge ngocho, talenu. Echi ili Mbolo ya vana. Talenu? Echi chove.

Echi chili chove. Echi keshi chamiko; Echi chili chove. Yami nguli wakusakwilila, halwola luno jino, Kangweshi... Yami nguli kanawa, nge omu Ngunejiva; oloze Ili Mbolo kuli yami, nawa, omwo Nangunyitonda. Ili Mbolo kuli yenu. Echi chili chakukafwa. Kuli yenu kamweshi nakukolako, echi chinehe michima yetu kaha kumeso a Kalunga.

¹⁹⁴ Chili vene mungonde, vize Ikiye ahanjikile mwahasa Ikiye kulinga, “Kaha nge muze chapwile mumakumbi a Satome, shikaho mukiko nachikapwa ha kwiza cha Mwana muthu, omwo Mwana muthu navakamusolola.” Talenu? “Kaha, tala, Nangukatuma kuli yenu Elija kapolofweto shimbu kanda likumbi lyalinene lyakwivwisa woma lya Mwata. Ikiye mwakakindulwisa michima ya vathu kuma Sevo.” Talenu? Talenu?

¹⁹⁵ “Kaha jino vakakwoloka navakatambuka hali va—va kakuhuka, uto.” Vakiko navaka wema nge lilungu lya kakahya, talenu, mavu nawakapwa. Etu tuli nakumona nomu lina kuya nakuholoka. Kaha kuyengunuka cha mavu kumwangala kwosena, kaha melu nawakapwa haka kahya.

Ove Lilolwa lya Myaka, nguvwile keke yami jino, kaha jino.

¹⁹⁶ Shangwenu mwane? Chamwaza, chuma chimwe, uli naukalu wamapwevo, ukalu kuupwevo. Uli navyeka vikwavo. Uli wa chiwomawoma, unaheta ha seteko yakupwa na chiwomawoma. Vya kufwana nge Kulikasakasa. Oloze uli nakufwila, nawa, kutambula Shipilitu Wajila. Echi chakwoloka. Echi chikiko. Ove wafwelela naupwa... Unalikonekela vyosena? Ove wafwelela kachi Nangunangika mavoko ami hali yove na kumulomba Kalunga kuchilinga echi, uze Shipilitu Wajila mweza? [Uze ndumbu wapwevo ngwenyi, “Eyo.”—Muka.] Ove wafwelela ngocho? [“Eyo, mwane.”] Echa tulombe.

¹⁹⁷ Kalunga Wamwaza, Ngwahake mavoko ami hali ou pwevo, muchifwanyisa cha upositolo, kaha ngwalombo ikiye atambule lujimiko lwa Shipilitu Wajila. Mu Lijina lya Yesu Kulishitu, echa ikiye atambule Echi. Amena.

¹⁹⁸ Kanda kukakasana echi. Echi chapwa chove, talenu. Echi chove. Eyi ili—ili Mbolo ya vana.

¹⁹⁹ Nguli nakwivwa mumwe mwamundende omwo Ngwahanjikanga, “ukalu kuupwevo,” keshi ngochoko? Mwomwo ukiko wapwanga nawo, nawa. Jino ove wafwelela nauya nakupwa kanawa jino? Yako, nakusakwilila kaha Mwata.

²⁰⁰ Shangwenu mwane? Ove wafwelela namuchima wove wosena? Ove wafwelela nge nauya nakuhasa kulya nge omu wapwilenga lwola lwakunyima? Chosena chakwoloka. Yako, kaha hanjika, “Ngwasakwilila Ove, Mwata. Ngwafwelela echi.” Chize kupwako cha Mwata.

201 Ove wafwelela nge ukalu wanyima naukuseza ove kaha nauya nakupwa kanawa? Chosena chakwoloka. Yako kaha, kuhanjika, “Ngwasakwilila Ove, Kalunga wamwaza,” kaha Kalunga mwakuhanacho echi.

202 Ove wafwelela naupwa kanawa, Mwata mwakulingisa kupwa kanawa, kaha kaweshi kukapwa na musongo wakutenda muvifuwa, pwako kanawa na kulikangula? Ove wafwelela chize? Yako, kusakwilila Ikiye, hanjika, “Mwata, Ngwachitavila echi na muchima wami, kaha Ngwafwelela echi.”

Ove kuze wafwelela ika hali Echi?

203 Ove uli hano, nangika livoko lyove hali uze pwevo natwame kwakamwihi nayove, mulweke musongo wamishisa na kutenda muvifuwa naumuseza. Omwo ikiye. . . ? . . .

204 Kalunga akukisule. Ove wafwelela nauya nakupwa kanawa jino? Yako kwimbo na kupwa. Kalunga akukisule. Yako mujila yove, kaha hanjika, “Ngwakusakwilila Ove, Mwata Yesu.”

205 Shangwenu mwane? [Uze ndumbu wapwevo ngwenyi, “Mwata va Mwalise.”—Muka.] Ove una fwelela nge ukalu kuupwevo wove nauya nakukuseza, nawa? [“Ngwafwelela.”] Kaha nauya nakupwa kanawa? [“Ngwakusakwilila Ove, Yesu.”] Yako, na kuhanjika, “Ngwasakwilila Ove, Mwata.” [“Ngwasakwilila Ove, Yesu.”]

206 Shangwenu mwane? [Uze ndumbu wapwevo ngwenyi, “Chikelekete chakukoka.”—Muka.] Mwomwoika, yami, yami! [“Totten”] Ngunejiva lijina lyove. Ngwa—Ngwapwilenga ku. . . [“Totten.”] omwo Ngwapwile kafunga mu liuka lya Mbaputishiti. [“Totten.”] Totten. [“Della Totten.”] Ndumbu wapwevo Della Totten. Ove uli nakuyanda na ukalu wanyima jino. [“Eyo.”] Chili nakuya nakupwa kanawa, jino. Ove wafwelela Ikiye mwaya nakukulingisa ove kuya nakupwa kanawa? [“Eyo.”] Ove anuka omwo chasolokele kuze ku liuka lya Mbaputishiti ku Milltown myaka yakunyima? [“Eyo, Ngunanuka chize!”] Ikiye ali Kalunga youmwe nalelo. [“Mamalelo, kusakwila Kalunga!”] Kalunga akukisule, ndumbwami wapwevo.

George Wright, uli kulihi? Ove nawanuka? Yami, omu. . .

Ove wafwelela, kachi Nanguhaka mavoko ami hali ove, nechi kuwavwisa, ove wafwelela naupwa kanawa? Twaya hano. Mu Lijina lya Yesu Kulishitu echa ikiye apwenga wa kuhinduka. Amena. Pwako nalufwelelo!

Chamwaza, mwafwelela muvosena na muchima umwe wosena? [Chikungulwilo ngwacho, “Amena.”—Muka.]

207 Jino, omu chawahe echi chili nakuneha vishinganyeka vyakumwaka, kumona uze sanda yapwevo! Ngwahono kushinganyeka lijina lyenyi, ohonyi, oloze Ngwa. . . [Muthuumwe ngwenyi, “Totten.”—Muka.] Totten. Totten,

chize chakwoloka. Mamalelo, eyo, mwanenyi wapwevo apwile Bertie. Chize chakwoloka. Chize chakwoloka vene. Kanda kushinganyeka nge Nguli nakuvanyangila, Yami nguli kaha wamundende, munejiva, chili kaha . . . Ngwahono mwakuchilumbununa echi.

208 Oloze ukalu wanyima yove unanyi, sanda yapwevo. Yako, mwalise Mwata, kaha hanjika, “Ngwasakwililila Ove, Mwata.”

209 Ove unafwelela nge ukalu wamuchima naupwa kanawa, nawa? [Uze muveji ngwenyi, “Eyo.”—Muka.] Jino yako, wahilila, kaha hanjika, “Ngwakusakwililila Ove, Mwata Yesu,” kaha ngwafwelela Echi. Chosena chakwoloka. Pwako nalufwelelo jino. Kanda kukakasana.

210 Twaya, sanda yapwevo. Ove wafwelela namuchima wove wosena? Ove ukwechi vyuma vyavivulu vyakuhenga ulinavyo. Ove ukwechi ukalu wanyima, nawa. Ove wafwelela nge Kalunga mwaya nakukulingisa kupwa kanawa? Chosena chakwoloka, jino yako, nakuwahilila. Chize, uze Ikiye mwakulingisa ove wivwanga kanawa. Kusakwila Mwata. Kalunga akukisule, ndumbu wapwevo.

211 Mwoyo, mbayi. [Uze kanyike walunga ngwenyi, “Mwoyo!”—Muka.] Ove una fwelela ngana nge Kalunga mwaya nakukuhindula ku chiwomawoma cha umwana na kukulingisa kupwa kanawa? Ove fwalela echi? Chosena cha kwoloka. Mwoyo, sepa, echa ngukumeneke mulivoko.

212 Kalunga Wamwaza, fumisa luze lupi hali ou kanyike walunga wamundende, kaha echa ikiye ayoye kaha apwenga kanawa. Mu Lijina lya Yesu. Amena.

213 Kalunga akukisule, ndumbu walunga. Ove wafwelela chize, keshi ngochoko? Ove nauya nakupwa kanawa. Kanda kukakasana ko.

214 Ali wamundende kupwa na ukalu wamuchima. Ove fwelela ngana nge Kalunga mwakulingisa kupwa kanawa? [Uze muveji ngwenyi, “Eyo, mwane.”—Muka.] Yako, hanjika, “Ngwasakwila Ove, Mwata, hakunguka yami.”

215 Ove wafwelela Kalunga mwakuhindula ukalu wamujimo na kukulingisa kupwa kanawa? Yako twalilaho, kuwahilila, kaha hanjika, “Ngwasakwila Ove, Mwata.”

216 Ikiye apwa Kalunga, kechi Ikiyeko? [Chikungulwilo ngwacho, “Amena.”—Muka.] Chuma chimwe kaha watela kulinga shina kufwelela. Echi keshi chakwolokako? Ove wafwelela Mwana muthu mumakumbi akukuminyina?

217 Kwapwanga chuma chimwe chasolokanga hano minyutu yayindende hanyima, kaha Kangweshi . . . kweseka kuwana kuli chapwanga. Muthu umwe apwanga nalufwelelo kaha nalingi chuma chimwe. Mokokoko, pamo Nangukawawana Sondo nayizaho, mokokoko omwo Nangukawana. Ove—ove . . . Chili

haze jino cheka. Ove ukwechi livoko lyove helu. Ove wafwelela nge Kalunga mwakuka ukalu wamuchima, mwakulingisa ove kupwa kanawa, mwakukila mwananove wapwevo okwo ali na—na... Ove wafwelela echi? Mukazuvo. ya Neff, ove wafwelela ngana nge Kalunga... Leo Neff. Kangwa kwijiko ove, oloze chize uli nacho yove. Ove ukwechi ukalu wamuchima, kaha wamundende mwananove wapwevo alina ukalu wajiso. Ove wafwelela nge mwaya nakupwa kanawa? Lufwelelo lwove lwakulingisa kupwa wakulikangula. Fwelela na muchima wove wosena.

218 Ove uli munyima muchijiva, unema kuze naukalu wa mujimo, Yesu Kulishitu akulingise ove kupwa kanawa.

219 Ove wafwelela? [Chikungulwilo ngwacho, "Amena."—Muka.] Ikiye, youmwe zau, lelo na haya myaka. Echeni tuhake mavoko hali umwe namukwavo jino. Mamalelo, kushinganyeka ola tunahetela, kushinganyeka ha lwola. Kushinganyeka ngana nge tuli kumeso a Yesu Kulishitu, uze Mwana Kalunga. Ikiye ashikile Ikiye mwalinga echi muli ano makumbi akumakumishilo. Ngukwechi kunangika mavoko ami hali awa malesu.

220 Kalunga wa Mwaza, Ngwalombo ngana Ove ukisule awa malesu akukisa nacho mijimba yavathu, kuhichila mu Lijina lya Yesu Kulishitu.

221 Jino, namavoko hali umwe namukwavo, muvosena munapu muva membala ja Mujimba wa Kulishitu. Uze Shipilitu Wajila youmwe uze ashikile kusolola vya kusweka mumuchima na kulinga vyuma evi, Ikiye ali muli enu. Enu munapu chihanda Chenyi, kaha Ikiye ali chihanda chenu. Jino, Ikiye ahanjikile evi, "Evi vinjikizo navikakavangiza vaze vakakufwelela." Vakiko yenu. "Kachi navakanangika hali vakakuviza, nava kayoya." Jino, kanda kuli lombela ove lyaveneko, lombelela owo unanangika livoko, 'mwomwo vali nakukulombelela ove. Jino echeni tulombe hamwe, kaha kanda namupwa muthu umwe muli ino zuvo. Mwomwoika natutwalilaho kuvandamina, ndumbwami walunga wamwaza, ndumbu wapwevo, hano Echi chili, Shipilitu Wajila, Kalunga, alivene hano, Chuma chivene echi tunahanjikaho.

222 Yesu wa Mwaza, etu tunamono Kumeso Ove muli etu. Ove wanehanga uze kamba wamundende kukuyoya lize likumbi likwavo, hanyima ya kufwa, ha kulomba cha lufwelelo. Kalunga wa Mwaza, kuli vavavulu twahonanga kuyako, lwola luli nakuhita, oloze vanahake mavoko hali umwe namukwavo. Vakiko vali vakakufwelela. Etu tunatwame Kumeso a Mwata Yesu Kulishitu, wakusanguka kuvafu, uze youmwe zau, lelo, nahaya myaka.


223 Satana, uli wakuhona! Yesu Kulishitu akuhonesele! Ikiye asangukile kufuma muli vafu na kwimana mukachi ketu ufuku

uno, kwinjikiza Mujimbu ou wa makumbi akumakumishilo. Lovoka muli vathu ava! Vaseze vakiko, mu Lijina lya Yesu Kulishitu! “Mu Lijina Lyami navakatapula va ndemone,” kaha ove vanakutapula. Mu Lijina lya Yesu Kulishitu, seza echi chikungulwilo!

²²⁴ Wosena muli enu uze netavila kuka chenyi, imana namahiji ove. Muthu wosena uze netavila kuka, imana namahiji ovo. Zundulenu mavoko enu jino na kumuhana Ikiye kumwalisa!

“Ngunetavila jino kuka chami,” hanjika chize kuli Kalunga. Ngunetavila jino kuka chami. [Chikungulwilo ngwacho, “Ngunetavila kuka chami.”—Muka.] Ove uli chochimwe zau, lelo, nahaya myaka, Kulishitu. [“Ove uli youmwe zau, lelo, nahaya myaka, Kulishitu.”] Ngwafwelela jino Ove. [“Ngwafwelela jino Ove.”] Ngu Kafwe kaha kuzeneka kufwelela chami. [“Ngu Kafwe kaha kuzeneka kufwelela chami.”] Amena. [“Amena.”]

Nangumwalisa Ikiye, Nangumwalisa Ikiye,
Kumwalisa mwana Mukoko wakujihila hali
mukashili;
Muhane Ikiye upahu, enu vathu vosena,
Mwomwo Manyinga Enyi anakoso mapenga
osena.

²²⁵ Enu kamwamuzangako Ikiye? [Chikungulwilo ngwacho, “Amena.”—Muka.] Echenu tumwalise Ikiye jino. Muthu wosena, na mavoko enu helu, muhanenu Ikiye kwalisa, shimbu ndumbu walunga mweza hano nakutumwanga. 

KULYA CHAKU SHIPILITU CHA MUNGONDE LVE65-0718E
(Spiritual Food In Due Season)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kuhuhu 18, 1965, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org